



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

891.99

---

2-76

ԻՆՉՊԻՍԻ ԿԱՐԳԵՐ ԵՆ

ՀԱՐԿԱԻՈՐ ԺՈՂՈՎՐԴԻՆ

Ռուսեր. թարգմ. ԳԱՐ. ՊԱՊՈՎԵԱՆ:



Ս. ՊԵՏԵՐԲՈՒՐԳ  
 «ՊՈՒՇԿԻՆԵԱՆ ՏՊԱՐԱՆ»  
 1907

Յ Ա Ռ Ա Ջ Ա Բ Ա Ն

Պետական և հասարակական գործը—դա մեր սեփական  
գործն է: Ամեն մէկ մարդ պէտք է պարզ և որոշակի կեր-  
պով գիտենայ և հասկանայ թէ ի՞նչ է կատարուում իր շուրջը,  
իր հայրենի պետութեան մէջ: Ամեն մէկ մարդ, լինի նա ազ-  
նւական թէ հասարակ, հարուստ թէ աղքատ, կրթւած թէ  
անկիրթ, այնուամենայնիւ նա իր հայրենիքի քաղաքացին է:  
Եւ այն ամենը, ինչ կատարուում է իմ հայրենիքում, այսպէս  
թէ այնպէս, մեծ կամ փոքր չափով, այսպէս բայց և ան-  
պայման ինձ էլ է վերաբերում: Օրինակ, այլ բան է մի կտոր  
հաց գտնել աղքատ, խաւար, անօրէն երկրում, և միանգա-  
մայն այլ բան է—ապրել և աշխատել հարուստ, լուսաւոր և  
իրաւական երկրում: Այլ բան է, երբ մարդ ինքն է իր գոր-  
ծերի տնօրէնը, և միանգամայն այլ բան է, երբ նա ամեն  
բանում պարտաւոր է միայն հպատակել ամենագոր իշխա-  
նու թեան կարգադրութիւններին, որը գործում է այնպիսի  
օրէնքների հիման վրայ, որոնք սահմանւած են առանց ժողո-  
վրդի համաձայնութեան և կամքի: Այլ բան է—ապրել և սո-  
վորել այնպիսի մի երկրում, որտեղ կան հազարաւոր զանա-  
զան լաւ բարեկարգ դպրոցներ, և միանգամայն այլ բան է  
ապրել մի այնպիսի երկրում, որտեղ դպրոցները շատ քիչ են  
ու անպէտք, և որտեղ կառավարութիւնը դիտմամբ ժողովրդին

8040-56

պահուժ է խաւարի մէջ, խնայուժ է դպրոցների վրայ փող ծախսել, որովհետեւ այդ փողերը հարկաւոր են իր սեփական զբոսանի համար: Այլ բան է ապրել մի աշնայիսի երկրում, որտեղ հարկերը ընչ են և ապրանքները արժան, որովհետեւ զանազան հարկերի և մաքսի չեն ենթարկւած, և միանգամայն այլ բան է ապրել մի աշնայիսի երկրում, որտեղ հարկերի և աուրքերի ծանրութիւնից ուղղակի շունչ քաշել չի լինում:

Կնշանակէ պետական գործերը — մեր սեփական գործերն են, նրանք բոլորն էլ աւելի քան մեզ են վերաբերում: Համաժողովրդական անիրաւասութիւնը — դա մեր սեփական անիրաւասութիւնն է: Համաժողովրդական աղքատութիւնը — դա մեր սեփական աղքատութիւնն է: Համաժողովրդական տղիտութիւնը — դա մեր սեփական տղիտութիւնն է: Կնշանակէ, չի կարելի ապրել մի պետութեան մէջ և ասել թէ պետական գործը — դա մեր գործը չէ: Ընդհակառակը — դրանց մասին հարկաւոր է մտածել և շատ ու շատ մտածել: Պէտք է հասկանալ թէ նրանց մէջ որն է լաւ, որն է վատ: Պէտք է միջամտել այդ գործերում: Հարկաւոր է զանազան միջոցներով ձգտել, որ վատ կարգերը քանի կարելի է շուտով քանդուեն և ոչնչանան, իսկ լաւերը անեն և բազմանան: Իրան ձգտելը — ամեն մի քաղաքացու պարտականութիւնն է:

Կնշանակէ Ռուսաստանի ամեն մի քաղաքացին պէտք է պարզ և որոշակի կերպով հասկանայ, նախ և առաջ թէ ի՞նչ կարգեր են աւելում իր հայրենի պետութեան մէջ, լաւ են թէ վատ, և թէ ինչո՞ւ են լաւ կամ վատ: Իր պետութեան մէջ գոյութիւն ունեցող կարգերը պարտաւոր է հասկանալ ամեն մի քաղաքացի, եթէ ուզում է օգնել իր ժողովրդին և լինել իսկական քաղաքացի: Բայց դա դեռ բաւական չէ: Նա պարտաւոր է նոյնպէս պարզել իր համար և

հասկանալ թէ ի՞նչպիսի փոփոխութիւններ պէտք է մտցնել պետական կազմի մէջ, որպէսզի բոլոր մարդիկ, ի հարկէ նախ և առաջ աշխատաւոր մարդիկ, ապրեն լաւ և ապահով, այն աշխատաւոր մարդիկ, որոնք ամեն մի պետութեան հիմքն են կազմում: Վերջապէս, անհրաժեշտ է իմանալ և հասկանալ, թէ ի՞նչ միջոցներով կարելի է մտցնել այդ փոփոխութիւնները, և ի՞նչպիսի վատ, անարդար կարգերը փոխարինել արդարացի կարգերով:



ԳՆՈՒԽ Ա.

ՊԵՏԱԿԱՆ ԵՒ ՀԱՍԱՐԱԿԱԿԱՆ ՆԵՐԿԱՅ ԱՆԱՐԴՍՐ ԿԱԶՄԸ:

Երկու զլխաւոր հասարակական դասակարգեր:

Ներկայ ռուսական պետութիւնը կազմւած է հետեւեալ ձևով՝ նրա հիմքը, որի վրայ կանգնած է ամբողջ պետական շէնքը, կազմում է աշխատաւոր, հասարակ ժողովուրդը — զիւղացիութիւնը ու գործարանական և այլ բանւորութիւնը: Նրանց աշխատանքով է կերակրուում ամբողջ երկիրը: Առանց նրանց աշխատանքի չեն կարողանայ ապրել ոչ չինովնիկները, ոչ կալաճատէրերը, ոչ գործարանատէրերը, ոչ բանկիրները, ոչ վաճառականները, ոչ զինւորականները, ոչ քահանաները, ոչ դատաւորները, ոչ ոստիկանները, և առհասարակ այն մարդկանցից և ոչ մէկը, որոնք կառավարում են ժողովրդին, ժողովրդի վզին են նստած և ժողովրդով էլ կերակրուում են:

Կնշանակէ, ռուսական պետութեան մէջ, ինչպէս և ուրիշ տեղերում, մարդիկ լինում են երկու տեսակ՝ նախ և առաջ այն մարդիկ, որոնք ապրում են իրենց սեփական աշխատանքով. ինչ աշխատեցիր՝ նա էլ քոնն է. քանի դեռ աշխատում ես, մի կերպ կուշտ ես: Այդպիսի մարդիկ կապիտալ չունեն, շահով փող չեն տալի և ոչ էլ հող են տալի կապալով: Այդ մարդկանց զլխաւոր և հիմնական եկամուտը — նրանց սեփական աշխատանքն է: Ծիշտ է, նրանց ուրիշի

համար են աշխատում, բայց եթէ կուշտ են միայն շնորհիւ իրենց սեփական և ոչ թէ ուրիշի աշխատանքի: Այդպիսի մարդիկ կոչւում են աշխատաւոր ժողովուրդ կամ աշխատաւոր դասակարգ: Ռուսաստանում այդպիսի աշխատաւոր ժողովրդի թիւը հասնում է մինչև հարիւր միլլիօնի:

Բայց, աշխատաւոր ժողովրդից դուրս, կան և ուրիշ տեսակի մարդիկ: Այդ մարդիկ միշտ կուշտ են լինում և իրենց ապրուստի միջոցները ստանում են միանգամայն այլ ճանապարհով: Նրանք իրենց ապրուստի միջոցները վերցնում են աշխատաւոր ժողովրդից: Այսպէս օրինակ, կալւածատէրերը կուշտ են նրա համար, որ իրենց հողից եկամուտ են ստանում, իսկ այդ հողը եկամուտ է տալիս միայն նրա համար, որ նրա վրայ աշխատում է զիւղացին կամ իւրե վարձու մշակ կամ իբրև կապալառու: Ինքն ըստ ինքեան հասկանալի է, որ վարձու մշակը իր աշխատանքի համար ստանում է միայն իր աշխատավարձը, իսկ դրանից աւելին ստացւածը նա ուզի չուզի պէտք է տայ իր աղային, հողի տիրոջը. բանւորի քրտինքով ջրած և բանւորական աշխատանքով բուսցրած հացը ծախելուց, բանւորը հազիւ հազ կարողանում է կէս քաղցած ապրել, իսկ դրա փոխարէն կալւածատէրը միանգամայն կուշտ է լինում: Նոյն բանն է և կապալի հետ: Կապալով վերցրած հողի վրայ աշխատում է զիւղացին, իսկ կալւածատէրը առանց մատը մատին խրփելու այդ կապալից ստացւած փողերը իր գրպանն է դնում: Վերջը դուրս է գալի, որ կալւածատէրը աւելի կուշտ է լինում քան զիւղացին:

Կալւածատիրոջ նման, ուրիշի աշխատանքով է ապրում և գործարանատէրը: Նրա գործարանը, բանւորների աշխատանքի շնորհիւ, ապրանքներ է դուրս բերում: Այդ ապրանքները, ծախելով փող են դառնում: Այդ փողերի մի մասը վճարում

են բանւորներին նրանց աշխատանքի համար, մի մասը ծախսում են գործարանի վերաշինութեան, մեքենաների վրայ ծախսած փողերը ծածկելուն, գուցէ և պարտքի տօկօսները վճարելու վրայ, եթէ գործարանատէրը պարտք է արել որևէ հարուստ կապիտալիստից. իսկ մնացած փողերը մանում է գործարանատիրոջ գրպանը: Իս նրա օգուտն է— նրա եկամուտը: Ահա զրանով է նա ապրում, զրանով է նա հարստանում, թէև ոչ թէ ինքը, այլ բանւորներն են աշխատել: Այդպիսով նա բանւորի աշխատանքը իր քսակն է դրնում, խլում բանւորի կոպէկները: Նա ոչ թէ իր, այլ ուրիշի աշխատանքով է կուշտ, իսկ ինչ վերաբերում է բանւորին, նա ստիպւած է կերակրել թէ իրեն և թէ աղային, այսինքն ուղի-չուղի պէտք է իր արիւն-քրտինքի աշխատանքը երկու կէս անի, մէկը— իրեն, միւսը— աղային, թէև վերջինս բոլորովին չէ աշխատել:

Կնշանակէ, թէ կալւածատէրը, թէ՛ գործարանատէրը ապրում են և կուշտ են լինում միայն զիւղացիների և բանւորների, այսինքն աշխատաւոր ժողովրդի աշխատանքի շնորհիւ: Նոյնը կարելի է ասել և բանկիր կապիտալիստի մասին, որը ոչինչ չանելով, զիտէ միայն տօկօսները և, ընդհանրապէս, իր կապիտալի եկամուտը ստանալ. վերջ ի վերջոյ այդ տօկօսները, այդ եկամուտը վճարում է նոյն աշխատաւոր ժողովուրդը:

Ուրեմն երկու տեսակ մարդիկ են լինում. առաջին— աշխատաւոր ժողովուրդ և երկրորդ աշխատաւոր ժողովրդի շահագործողները, այսինքն այնպիսի մարդիկ, որոնք ուրիշի աշխատանքով են ապրում: Այդ մարդկանց անւանում են կապիտալիստներ, բուրժուազիա: Բոլոր շահագործողները և բուրժուաները իրար նման են նրանով, որ նրանք բոլորն էլ աշխատաւոր ժողովրդի հաշուով են ապրում: Իսկ աշխա-

տաւոր դասակարգի բոլոր մարդիկ, լինի նա ռանչպար— գիւղացի թէ գործարանական բանւոր իրար նման են նրանով, որ նրանք չեն կարող ապրել, եթէ ուրիշի համար շաշխատեն: Դա ոչ թէ միայն Ռուսաստանումն է այդպէս, այլ բոլոր երկրներում, բոլոր պետութիւններում: Գիւղացու հողը պակաս է և դրա համար էլ նա պէտք է կողմնակի աշխատանք գտնի, այսինքն կամ վարձու բանւոր դառնայ, կամ կապալով վերցնի հարեան: կալաւածատիրոջ հողը: Գործարանական բանւորը նոյնպէս վարձու մշակ է: Այստեղ էլ, այնտեղ էլ աշխատաւոր մարդու՝ թէ՛ գիւղացու և թէ՛ բանւորի բաղադր մէկ է:



**Գիւղացիները և բանւորները:**

Ի՞նչ տեսակ են լինում աշխատաւոր դասակարգի մարդիկ: Ռուսաստանում նրանց մեծ մասը գիւղացիներ են: Նրանց թիւը մինչև 100 միլիոնի է հասնում: Նրանց մէջ էլ, ի հարկէ, կան վաշխառուներ, որոնք նոյնպէս աշխատաւոր ժողովրդի հաշուով են ապրում. բայց ամենամեծ մասը ռանչպար գիւղացիք են, այսինքն աշխատաւոր գիւղացիութիւնն է: Վաշխառու գիւղացիները նոյն բուրժուազիան են կամ ժողովրդի շահագործողները: Դա աշխատաւոր ժողովուրդը չէ: Իսկ բաշպար-գիւղացիները ապրում են իրենց ձեռքի աշխատանքով, երկրագործութեամբ: Նրանք ոչ ոքին չեն շահագործում, ոչ ոքի մէջքին չեն հեծնում, ոչ ոքի հաշուով չեն ապրում: Նրանք իրենց ձեռքերով են մշակում հողը: Բաշպարները հէնց նրանով են տարբերում կալաւածատէրերից և վաշխառուներից, որ իրենք են աշխատում հողի վրայ և ոչ թէ կապալով են տալի ուրիշներին: Նրանք իրենք են հողի

պակասութեան պատճառով, կապալով վերցնում կալաւածատիրոջ հողը: Ինչքան որ հող կաչ ուսական պետութեան մէջ, ամեն տեղ մշակում է գիւղացիական ձեռքերով: Բայց գիւղացիների ունեցած հողը ուր, կալաւածատէրերինը ուր: Այսպէս օրինակ, Եւրոպական Ռուսաստանի 49 նահանգներում ամեն մի գիւղացու վրայ ընկնում է կլոր թւով 2<sup>1</sup>/<sub>2</sub> դեսիատին հող (2,6 դես.). իսկ ամեն մի կալաւածատիրոջ վրայ, միւսնոյն նահանգներում, ընկնում է 195 դեսիատին: Բոլորին յայտնի է, որ գիւղացիները տանջւում են հողի պակասութիւնից: Շատ տեղերում ամբողջ տարիներ նրանք սովամահ են լինում, որովհետև հողը քայքայել ու անբեր է դարձել և լաւ հունձ չի կարողանում տալ: Ուրեմն դուրս է դալի, որ ուսական պետութիւնը գիւղացիութեան վրայ է կանգնած, գիւղացիութիւնը հողով է ապրում, իսկ նա տանջւում է հողի պակասութիւնից, որը գտնւում է ձրիակերշահագործողների ձեռքում: Պարզ է, որ դա անարդարութիւն է:

Կնշանակէ, ուսական պետութիւնը անարդարութեան վրայ է կանգնած: Պետութեան այդպիսի կազմը ձեռնտու է միայն ժողովրդի շահագործողների համար: Սրինակ, կալաւածատէրերը օգտւելով գիւղացիական հողասակաւութեամբ, բարձրացնում են իրենց կալաւածատիրական հողերի կապալագինը: Գիւղացիութեան աղքատութեան շնորհիւ կալաւածատէրերը կարող են արժան զնով բանւորներ վարձել: Նոյն այդ աղքատութեան շնորհիւ գիւղացիները ուղեն չուղեն պէտք է դուրս գնան իրենց հայրենի գիւղից աշխատանք գտնելու համար, օրինակ գնան քաղաքները, գործարաններում աշխատելու: Նոյն աղքատութեան շնորհիւ քաղաքներում և գործարաններում գիւղացիները կամայ ակամայ պէտք է վարձեն արժան զնով, այսինքն պակասեցնեն իրենց



սեփական աշխատանքի գինը. միայն թէ սովից չմեռնեն: Այդ պատճառով, ռուսական գործարանական բանւորների մէջ կան շատ զիւղացիներ, որոնք զիւղում ևս հող ունեն: Ուրիշ խօսքով ասած, շատ բանւորներ—միևնույն ռանչպար-զիւղացիներ են, որոնք զնացել են աշխատանքի: Ռուսական բանւորների մեծ մասը այդպէս է:

### Պրօլէտարիատ:

Բայց կան և ուրիշ տեսակներ: Կան մարդիկ, որոնք աշխատելով գործարաններում կամ գաւօղներում, բոլորովին կտրւել են հողից, այլևս ռանչպար-զիւղացիներ չեն, այլ գործարանական բանւորներ, արհեստաւորներ, որոնք իրենց հողը կամ ծախել կամ կապալով են տւել: Կան այնպիսի գործարանական բանւորներ, որոնք ոչ մի կտոր հող, ոչ մի անշարժ կաջք, ոչ մի կապիտալ չունեն: Նրանց ամբողջ կարողութիւնը—իրենց ձեռքերն ու ոտները, գլուխն ու մէջքն են: Սովամահ չլինելու համար նրանք ստիպւած են ծախել իրենց աշխատանքը, այսինքն վարձւել մէկի մօտ, դառնալ վարձու աշխատող, իր ռոճիկով, աշխատավարձով ապրել: Այդպիսի բանւորները կոչւում են պրօլէտարներ, իսկ նրանց ամբողջ դասակարգը (այսինքն բոլորը միասին) կոչւում է պրօլէտարիատ: Ռուսաստանում այդպիսի, գործարանական, զիւղատնտեսական և այլն բանւորների թիւը հասնում է 10 միլիօնի:

Թէ աշխատաւոր զիւղացիութեան և թէ պրօլէտարիատի շահերը մէկ են: Ինչ որ վնասակար է մէկին—վնասասակար է և միւսին: Եւ ընդհակառակը—որքան լաւ ապրի զիւղացին, այնքան էլ լաւ կապրի բանւորը: Կիւղացին էլ,

վարձու բանւոր-պրօլէտարն էլ ապրում են իրենց սեփական և ոչ թէ ուրիշի աշխատանքով: Կնշանակէ Ռուսաստանի աշխատաւոր ժողովրդի մէջ զիւղացիները աւելի շատ են քան պրօլէտարները: 1897 թ. վիճակագրութեան համաձայն զիւղացիների թիւը հասնում է 96,943,857 մարդու, այսինքն մի քանի անգամ աւելի շատ քան պրօլէտարներինը: Բոլոր գործարանական բանւորներն էլ պրօլէտարներ չեն: Դա չպէտք է մոռանալ, և չպէտք է խառնել պրօլէտարիատ խօսքը աշխատաւոր ժողովուրդ խօսքի հետ, որովհետև աշխատաւոր ժողովուրդ ասելով հասկացւում են թէ պրօլէտարները և թէ զիւղացիները: Այլքատութեան և այլ պատճառների շնորհիւ ժամանակի ընթացքում պրօլէտարների թիւը աւելի ու աւելի շատանում է: Այնուամենայնիւ զիւղացիները պինդ կպած են իրենց հողին և միայն ծայրահեղ կարիքն է նրանց դարձնում պրօլէտարներ:

### Անարդարութեան արմատը:

Հասկանալի է, որ գործարանական բանւորները ապրում են իրենց աշխատանքով: Դա նրանց ապրուստի միջոցն է: Գործարանական բանւորների աշխատանքի վրայ է հիմնւած և պետութեան ամբողջ արդիւնաբերութիւնը: Սովամահ չլինելու համար բանւորը կամայ ակամայ պէտք է համաձայնի այն վարձատրութեանը, որը տալիս է նրան գործարանատէրը, որովհետև վերջինս ամեն մի անբաւական բանւորի փոխարէն դեռ աւելի արժան զնով, կարող է վարձել ուրիշ, նույնպիսի ալքատ, սովամահ բանւորին: Կնշանակէ ամբողջ պետութեան արդիւնաբերութիւնը կանգնած է բանւորների վրայ, իսկ բանւորները չնայելով իրենց ծանր աշխատանքին,

համարեա սովամահ են լինում: Պարզ է, որ զա անարդարութիւն է: Կնշանակէ ուստական պետութիւնը հիմնւած է մի այնպիսի անարդարութեան վրայ, որից տանջուած է ոչ միայն զիւղացիութիւնը, ինչպէս վերը ցոյց տւինք, այլ և բանւորութիւնը: Պետութեան այդպիսի կազմը ձեռնտու է միայն գործարանատէրերին, կալւածատէրերին և վաճառականներին, բայց ոչ երբէք աշխատաւոր ժողովրդին:

Կնշանակէ մեծ, պետական անարդարութեան արմատը, հիմքը կայանում է հետեւեալում՝ լաւ է ապրում ոչ թէ նա, ով աշխատում է, այլ նա, ով ուրիշի, բանւորի քրտինքով է ապրում: Այդ պատճառով ժողովրդական աղքատութեան, աշխատաւոր մարդկանց թշւառութեան հետ կողք կողքին ծաղկում և աճում են հարուստները, ժողովրդի շահագործողները: Մէկի զրպանը դատարկ է, միւսներինը լիքը: Մէկից վերջին ծուծն են հանում, միւսները՝ ճարպից տրաքում: Պարզ, անմիտ և զղելի անարդարութիւն: Ծատերն են հասկանում և ատում այդ անարդարութիւնը: Քանի որ այդ այդպէս է, հապա ինչի՞ վրայ է կանգնած այդ անարդարութիւնը: Ինչո՞ւ նա չի կորչում, չի վերանում երկրիս երեսից: Ի՞նչ էլ դժւար չէ հասկանալ: Վերցնենք օրինակ զիւղացուն: Գիւղացին քաղցած է, աղքատ է, ենշւած է նրա համար, որ քիչ հող ունի: Նա կամայ ակամայ պէտք է կապալով վերցնի կամ կալւածատիրոջ, կամ պետական և կամ ուղէշի հողերը: Իսկ ինչի՞ցն է որ նա քիչ հող ունի: Որովհետև շատ հող ունեն կալւածատէրերը, մեծ իշխանները, թագաւորական տունը, վաճառականները, եկեղեցիները ու վանքերը և ուրիշ մասնաւոր մարդիկ, որոնք նախօրօք իրենց ձեռքն են հաւաքել հողը: Ահազին հողեր ունեն մինչև անգամ ազնւական չինովնիկները:

Կնշանակէ, զիւղացին տանջուած է միայն նրա համար,

որ հողից օգտուած է ոչ թէ նա, ով աշխատում է նրա վրայ, այլ նա ով չի աշխատում: Պետութեան ներկայ կազմում հողը կարող է միայն ժողովրդի շահագործողների սեփականութիւն լինել, այժմ հողը մասնաւոր սեփականու թիւն է կազմում: Հողով այժմ առևտուր են անում, ծախում ու առնում են, և ժառանգութիւն թողնում: Այդպիսով հողը կարող է մի որևէ քրտինքից անցնել մի ուրիշ նոյնպիսի քրտինքի ձեռքը: Այդ է պատճառը, որ մի մարդու ձեռքում հաւաքում է այնքան հող, որ մէկ մարդ ոչ մի պէպքում չի կարող իր սեփական աշխատանքով մշակել: Սեփականատէրն էլ նրա համար հօ չէ առնում հողը, որ ինքը մշակի: Նա աշխատում է այդ հողը կամ կապալով տալ կամ նոյն այդ զիւղացիներին բանւոր վերցնել: Կնշանակէ հողի սեփականութիւնը օգնում է սեփականատէրերին առանց աշխատանքի, ուրիշների աշխատանքի հաշւով ապրելուն: Նոյնն է և գործարաններում: Սեփականատէր-գործարանատէրը ազատ է առևտուր անել բանւորների հետ ինչպէս իր քէֆն է տալի: Բանւորը կամ սովամահ պէտք է լինի, կամ համաձայնի այն վարձատրութեան, որը տալիս է գործարանատէրը: Չէ՞ որ հարուստ խանութներից, գործարաններից դուրս բանւորը ոչ մի տեղ չի կարող աշխատել: Պետական ներկայ կարգերում գործարանները, ինչպէս և հողը, կազմում են մասնաւոր սեփականութիւն:

Կնշանակէ այդ մասնաւոր սեփականութիւնն է ռանչպարզիւղացիների և գործարանական բանւորների աղքատութեան և թշւառութեան ամենամեծ և ամենաուժեղ պատճառը: Մի խօսքով, մասնաւոր սեփականութիւնը, աշխատաւոր ժողովրդի ամենամեծ չարիքն է: Չէ՞ որ հէնց այդ մասնաւոր սեփականութեան վրայ է կանգնած ներկայ պետական կազմի ամենամեծ անարդարութիւնը: Այդ միևնույն մասնաւոր սե-

փականութեան շնորհիւ է, որ մի քանիսները հարստանում են, միւսները՝ աղքատանում, մի քանիսները կուշտ են, միւսները՝ քաղցած, մի քանիսները ուժեղ են, միւսները՝ թույլ: Մասնաւոր սեփականութեան շնորհիւ է, որ հարուստը—աղքատի մէջքին, ձրիակերը—բանւորի վրին են նստած: Ուրիշ կերպ էլ չի կարող լինել: Ամեն մի սեփականատէր մտածում է այսպէս՝ «իմ սեփականութիւնը —իմ արնի թիքան է, ինչ կուգեմ այն էլ կանեմ»: «Ամեն մարդու համար իր շապիկն ամենից մօտ է իր մարմնին»: Ահա իր այդ նոյն շապիկի համար է, որ ձրիակերները բանւորների ուսերից քաշում են ուրիշի շապիկը, և իրենց լայն գրպանումն են պահում: Բայց չէ՞ որ բանւորի համար էլ իր շապիկն է մօտ: Միայն թէ բանը դրանում չէ, այլ նրանում, թէ ո՞վ է ձրիակեր, ո՞վ աշխատող, և ի՞նչ փողով է ձրիակերը առնում իր այդ շապիկը: Կնշանակէ նոյն այդ մասնաւոր սեփականութիւնը թալանի և հարստահարութեան մի առանձին միջոց է, նա — ամենամեծ անարդարութիւնն է: Եւ հէնց դրա վրայ է կանգնած ներկայ պետութեան բոլոր կարգերը:

**Ի՞նչպէս և ինչի վրայ է կանգնած այդպիսի անարդարութիւնը:**

Պետութեան այդ կարգերը ձեռնառու չեն աշխատաւոր ժողովրդին: Բայց նրանք ձեռնառու են ժողովրդի շահագործողներին: Հասկանալի է թէ ինչու ժողովրդի շահագործողները ամեն կերպ աշխատում են պահպանել այդ կարգերը: Հասկանալի է, որ նրանք պետութեան այդպիսի կարգերը, ամենալաւ, ամենալարմար և մինչև անգամ ամենաուղիղն են համարում: Նրանք ուղղակի ասում են էլ «այդ կարգերը ար-

դարացի են», հետեւապէս «մասնաւոր սեփականութիւնը սրբազան է և անձեռնմխելի», «ժողովուրդը սև ոսկոր է, իսկ ինքը շահագործողը—սպիտակ ոսկոր»: Նրանք ասում են՝ «գիւղացին ու բանւորը հէնց նրա համար են ստեղծւած, որ մեզ համար աշխատեն: Ժողովուրդը խաւար և չիմար է»: Իսկապէս էլ ժողովրդի ազիտութիւնը և իււարամտութիւնը միանգամայն ձեռնառու է ժողովրդի շահագործողներին: Իսկ աւելի ևս ձեռնառու է վախկոտ, թուլամօրթ ժողովուրդը: Ժողովրդի շահագործողների համար հարկաւոր է ճնշւած, հարստահարւած ժողովուրդը: Հասկանալի է, որ ժողովրդի շահագործողները իրենց սեփական շահի համար ամեն կերպ աշխատում են ժողովրդին իրենց տակը, խաւարի և մթութեան մէջ պահել: Նրանք այդպէս էլ անում են, և անում են շատ ճարպիկ կերպով: Բայց չէ որ դա այնքան էլ հեշտ չէ: Կէ՞ որ ժողովրդի շահագործողների թիւը բանի բանի անդամ բի է աշխատաւոր ժողովրդից: Ամեն մի շահագործողի վրայ օրինակ, կարելի է ասել, ընկնում է հազար բանւոր: Եթէ նրանք իրար դէմ, ճակատ առ ճակատ դուրս դաչին, այն ժամանակ շահագործողները երբէք չէին կարողանայ դիմանալ բանւոր ժողովրդին: Այդ պատճառով միշտ և ամեն տեղ նրանք բանւոր ժողովրդի հետ կուռում են զանազան, ծուռ ու մուռ ճանապարհներով ու միջոցներով: Այսպէս օրինակ, հին ժամանակներից սկսած ժողովրդի շահագործողները իրենց ձեռքն են առել և պահում են պետական և հողւոր իշխանութիւնը: Պետական իշխանութիւնը նրանց հարկաւոր է—ինչպէս ոյժ, իսկ հողւոր իշխանութիւն—խաբելու համար: Այժմ պետական իշխանութիւնը գտնւում է ժողովրդի շահագործողների ձեռքում:

Ի՞նչ բան է պետական իշխանութիւնը: Դա բոլոր օրէնքներն են, բոլոր պետական հաստատութիւններն են, բոլոր

պետական պաշտօնեաներն են սկսած ամենափոքր չինովնիկից մինչև ամենամեծ աստիճանաւորները. պօլիցիականից, ժանդարմից, նահանգապետից սկսած մինչև մինիստրները, թագաւորի խորհրդակիցները և ինքը թագաւորը: Իրանց ձեռքումն են գտնուում — թէ՛ օրէնքները, թէ՛ դատարանները և թէ՛ վարչութիւնը, այսինքն գործադիր իշխանութիւնը: Իրանք հէնց իրենք էլ կազմում են օրէնքները: Նրանք էլ հէնց ստիպում են ժողովրդին հպատակել այդ օրէնքներին, իսկ նրանց, որոնք չեն ուզում հպատակել այդ օրէնքներին և կատարել նրանց հրամանները այդպիսիներին բռնում են, քշում են, բանտարկում են, կախում են «գսպում են» ոստիկանական և մինչև անգամ զինուորական ուժով: Զինուորական ուժն էլ գտնուում է ժողովրդի շահագործողների ձեռքում: Առաջի անգամից թուում է թէ կալւածատէրերը, գործարանատէրերը և այլ սեփականատէրերը ուրիշ են, իսկ չինովնիկները, և այլ պաշտօնական մարդիկը—ուրիշ: Բայց դա սխալ է. պետական իշխանութիւնների զիմակը դժւար չէ պատռել:

Օրինակ ուստական կառավարութեան ղէկը գտնուում է 648 նշանաւոր և յայտնի չինովնիկների ձեռքում: Այդ նշանաւոր չինովնիկներն են պետական գործերի ամենամեծ կարգադրիչները: Իրանք էլ միևնույն ժամանակ թագաւորի խորհրդակիցներն են, մեծ իշխանների և ամբողջ թագաւորական տան ամենամօտ բարեկամները: Համարեա նրանք բոլորն էլ պալատական մարդիկ են: Նրանցից են նշանակւում այժմ մինիստրները, նահանգապետները, պետական խորհրդի անդամները և սենատորները: Կնշանակէ ամբողջ պետական իշխանութիւնը գտնուում է նրանց ձեռքում: Բայց ո՞վքեր են այդ 648 նշանաւոր չինովնիկները: Համարեա նրանք բոլորն էլ—կալւածատէրեր և խոշոր հողատէրեր են: Նրանց ձեռքումն է գտնուում մօտ 4<sup>1</sup>/<sub>2</sub> միլիօն դեսիաափն հող. կնշանակէ այդ չինովնիկներից ամեն մէկին

կլոր թուով ընկնում է մօտ 7 հազար դեսիաափն հող: Ուրիշ խօսքով ասած, նրանք իրենց ձեռքն են առել ահագին քանակութեամբ հողեր: Կնշանակէ համարեա նրանք բոլորն էլ խոշոր կալւածատէրեր են: Նրանցից շատերը պաշտօնում եղած ժամանակն են տոնում հողը, միւսները ստանում են իրրև ժառանգութիւն: Այդ նշանաւոր չինովնիկների թուում կան մի քանի տասնեակ գրաֆներ, մի քանի տասնեակ իշխաններ, և մօտ 150 նշանաւոր ազնւականներ: Կնշանակէ այդ նշանաւոր չինովնիկները նախ և առաջ—կալւածատէրեր են, և երկրորդ—ազնւականներ: Բայց դա դեռ բոլորը չէ: Նրանց մէջ կան և՛ գործարանատէրեր, և՛ երկաթուղու զծի սեփականատէրեր, և՛ բանկիրներ և ուրիշ կապիտալիստներ:

Ահա թէ ում ձեռքումն է գտնուում պետական բարձրագոյն իշխանութիւնը՝ կալւածատէրերի, ազնւականների, գործարանատէրերի, և զանազան չինովնիկների ձեռքում: Կնշանակէ ամբողջ պետութիւնը նրանց ձեռքումն է: Նրանք են կառավարում երկիրը, օրէնքներ են հնարում, ի հարկէ այնպիսի օրէնքներ, որոնք իրենց ձեռննտու են և ա՛յ օրէնքներով էլ դատում ու կառավարում են: Նրանցից ամենախոշորները նստած են վերևում: Նրանցից դուրս Ռուսաստանում կան շատ աւելի մանրերը: Աւելի մանր չինովնիկների մէջ էլ կան շատ կալւածատէրեր, ազնւականներ, գործարանատէրեր, և վաճառականներ: 1890 թ. օրէնքի համաձայն վաճառականների ձեռքումն են գտնուում քաղաքային դումաները, իսկ կալւածատէրերի ձեռքում—գեմստօսները: Այդ օրէնքի համաձայն քաղաքային դումաներում և գեմստօսներում կարող են բազմել, աշխատել, և կարգադրութիւններ անել միայն հարուստ մարդիկ, իսկ զիւղացիները, բանւորները և ընդհանրապէս ամբողջ աշխատաւոր ժողովուրդը, որը

սեփականութիւն չունի, ինչպէս և ժողովրդի շահերը պաշտպանող, բայց պարտ ու կրթւած մարդիկը, իրաւունք չունեն այնտեղ մտնելու:

Դուքս է զալիս որ, ժողովրդի շահագործողները ամբողջ պետական իշխանութիւնը վերեւից մինչև ներքև, իրենց ձեռքն են առել: Այդ շահագործողների հնարած օրէնքները պարզ է որ նրանց էլ պէտք է մեծ իրաւունքներ տան: Այդ տեսակ մարդիկ շողորդում են (քսմուում են) իշխանութեան և իրենց ձեռքումն են պահում ամբողջ կառավարութիւնը: Պէտք է գիտենալ, որ այդ իշխանութիւնը նրանց անաղին օգուտներ է տալիս: Օրինակ 648 նշանաւոր չինովնիկները պետական զանձարանից ամեն տարի ստանում են մօտ 30 միլլիօն բուբլի ռոսիկ, ասն քէհ, ճաշի փող, ճանապարհածախս, րնժաներ և այլն—կլոր թւով նրանց չինովնիկական—բանւորական ամեն մի ժամը արժէ 10 և մինչև անգամ 20 բուբլի, իսկ նրանց բանւորական օրը 150 բուբլի: Դեռ չհաշւած այն փողերը, որը նրանք ամեն տեսակ անարդար ճանապարհներով ձեռք են բերում: Ամենքն էլ գիտեն որ շատ պաշտօնեաներ, մանաւանդ ոստիկանները պլոկում են կենդանի մարդուց էլ, մեռածից էլ: Վերջ ի վերջոյ Կուրս է գալի, որ ժողովրդի շահագործողները պետական ներկայ անարդար կարգերում շատ լաւ են սարքում իրենց անհատական գործերը: Նրանք կառավարութեան համար են, կառավարութիւնը նրանց համար, իսկ աշխատաւոր ժողովուրդը—թող ապրի ինչպէս գիտէ: Դրա համար էլ չ'պէտք է զարմանալ, որ ռուսական պետութեան համարեա բոլոր օրէնքները կազմւած են ոչ թէ աշխատաւոր ժողովրդի, այլ ժողովրդի շահագործողների օգտին: Օրինակ, հողի կապալով վերցնելու օրէնքը, գիւղատնտեսական բանւորի վաճելու օրէնքները, գործարանական ինսպեկտորների օրէնքը, արհեստաւորների վերա-

բերեալ օրէնքները, ոստիկանական և այլ հաղարաւոր օրէնքները: Կարելի է մինչև անգամ ասել, որ օրէնքը միշտ հարուստի ու ուժեղի կողմն է և ոչ թէ զիւղացու կամ բանւորի կողմը:

Օրինակ բանւորներին մինչև վերջին ժամանակներս խիստ կերպով արգելում էին գործադուլներ անել: Գործադուլ անողներին դատում և բանան էին նստեցնում, ինչպէս պետական յանցաւորներին: Դուքս էր զալիս, որ երբ բանւորը իր խաղէչնի դէմ է դնում, կնշանակի նա կառավարութեան դէմ է դնում: Մինչև այժմ էլ կան շատ ու շատ այնպիսի օրէնքներ, որոնց բանւորը իրաւունք չունի խախտելու թէ չէ խիստ պատժի կենթարկի: Բայց դա դէռ բոլորը չէ: Օրէնքով ամեն մի իշխանութիւն, մանաւանդ, ոստիկանութիւնը իրաւունք ունի, ծաղրել, և ստորացնել բանւորին, պատժել, քշել ամենահասարակ խաղաղ գործադուլի համար և կախել էթէ նա հակառակի ամենահասարակ աւաղակ գործօրօյնին: Ամեն մի բանւոր-մարդ իր սեփական կաշւի վրայ փորձել է այդ բոլորը: Ամեն անգամ կառավարութիւնը մի ծակ զրտնում է դուքս զալու, պատտօխանատուութիւնից աղատւելու համար: Մինչև անգամ ամենամանօրէն բռնաբարոյր կարդարանայ, իսկ բանւորը միշտ մեղաւոր կճանաչի: Դատարանին գիմելը բանւորի համար միայն աւելորդ ժամանակ կորցնել է նշանակում: Մինչև այժմ օրէնքով հասարակ մարդը ոչ մի իրաւունքներ չունի: Բոլոր իրաւունքները ժողովրդի շահագործողներն են չափշտակել: Բանւոր մարդը, ռուսական օրէնքների համաձայն, պէտք է միայն աշխատի ու հպատակի, իսկ միւս բոլոր բաները նրան չեն վերաբերում. բանւոր մարդը իր սեփական պետութեան մէջ ոչ թէ տէր է այլ սարուկ:

Ի՞նչպէս են ժողովրդին խաբում:

Կառավարութիւնը ամենից շատ աշխատում է ժողովրդին ճշւած պահել, նրա համար, որ ժողովրդի շահագործողները կարողանան ազատ կերպով ծծել նրա վերջին հիւթը: Որպէսզի ժողովրդի շահագործողներին հեշտութեամբ յաջողւի այդ ամօթալի գործը տեսնել, նրանք դիմում են խորամանկութեան և խաբէբայութեան: Հոգևոր իշխանութիւնը նրանց ձեռքումն է: Օրինակ, քահանաները բեմից միայն այնպիսի քարոզներ են ասում, որոնք դուրեկան են կառավարութեան: Շատ անգամ է պատահում, որ քահանաները քարոզ են կարդում միայն նրա համար, որ արդարացին են ժողովրդի շահագործողներին, կալաճատէրերին, գործարանատէրերին, շինովնիկներին: Քահանաները միշտ կրկնում են «Սղբատներ, միք նախանձի հարուստներին. դրանով երկնքի արքայութեանը կհասնէք»: Իսկ այդ ժամանակ հարուստները իրենց դործերն են տեսնում երկրիս վրայ: Շահագործողներին պաշտպանելու համար, քահանաները ասում են ժողովրդին որ ամեն մի իշխանութիւն «Աստուածանից է տրւած»: և «յամենայն պէպս» պէտք է այդ իշխանութեանը հպատակել: Այժմ կառավարութեան հրամանով այրում են դիւղերը, թնդանօթներով քանդում են աները, զիւղացիներին մտրակում են, բռնաբարում են կանանց—և դուրս է գալի. որ այդ բոլորը Աստուածանից է և պէտք է հպատակել: Երբ ժողովրդի համբերութեան բաժակը լցում է այն ժամանակ քահանաները մխիթարում են նրան երկնային արքայութեան յոյսով: Եւ ընդհանրապէս ինչ էլ որ լինի—քահանաները համարեա երբէք աշխատաւոր ժողովրդի կողմը չեն պահում այլ կանգնած են կառավարութեան և հարուստների կողմը: Կնշանակէ եկեղեցին ներկայ անարդար պետա-

կան կարգերում հոգևոր ծառան է, եկեղեցին ծառայում է այն անարդարութեան, որից տանջւում է աշխատաւոր ժողովուրդը: Դուրս է գալի. որ եկեղեցին պետական իշխանութեան ձեռքին մի խաղալիք է:

Նոյնն է և դպրոցը: Ներկայ կառավարութիւնը պինդ բռնած ունի իր ձեռքում ժողովրդական կրթութիւնը: Նա միշտ զլանում է փող տալ այդ հարկաւոր և սուրբ գործի համար: Կառավարութիւնը ստիպում է ուսուցիչներին երեսաներին հասկացնել, որ ներկայ պետական կարգերը—աւելի քան լաւ են, դրանից լաւը չի էլ հարկաւոր: Իսկ եթէ մի որևէ ուսուցիչ համարձակւի նշմարիտն ասել, քահանաները նրան յայտարարում են անաստուած, «խռովարար» իսկ կառավարութիւնը նրան պաշտօնից վճնւում է: Օրինակ դպրոցներում երեսաններին նոյնպէս սովորեցնում են որ նրանք հպատակ են ամեն տեսակ իշխանութեան, և որ այդ իշխանութիւնը Աստուածանից է տւած և ոչ թէ ժողովրդի շահագործողներից: Դպրոցում սովորեցնում են որ դիւղացին նրա համար է ստեղծւած, որ տիրոջը (աղային) ծառայի, որ սեփականութիւնը մի ինչ որ սրբութիւն է և ով նրան դէմ գնայ, նա կնշանակ է Աստուծու դէմ է գնում: Շատ զիտութիւններ բոլորովին չեն մտցնում դպրոցներում, որպէսզի աշատաւոր ժողովուրդը բոլորովին չզիտենայ նրանց, Միւս առարկաները, որոնք թէև թույլ են տրւում, բայց խեղաթիւրւում են: Օրինակ ուսաց պատմութիւնը: Դպրոցներում սովորեցնում են, որ բոլոր ոուս թագաւորները ու իշխանները լաւ էին, իսկ ժողովրդի տանջանքները ուղղակի Աստուծոյ պատիժն էին նրանց մեղքերի համար: Կառավարութիւնը հետևում է որ չլինի թէ գրքերում, լրագրներում և ամսագրներում մի այնպիսի բան տպւի, որը կառաւարութեան և ժողովրդի շահագործողներին անդուրեկան և ան-

ձեռնառու է: Կառավարութիւնը չի թողնում որ ժողովրդական գրագարաններում և բնութեցարաններում լինեն այնպիսի զրքեր, որոնք ճշմարտութիւն են պարունակում: Այդ բոլորը նրա համար են անուժ, որ ժողովրդին խաւարի մէջ պահեն: Այդ բոլորը նրա համար է անուժ, որ աշխատաւոր ժողովուրդը չգիտենայ և չհասկանայ թէ ի՞նչու երկրիս վրայ նրա համար այնքան ծանր է կեանքը, իսկ նրա կեղեքողները—այքան կուշտ: Կառավարութիւնը վախում է որ ժողովուրդը հասկանայ այդ բոլորը և նրա դէմ գնայ:

Կնշանակէ, գուրս է գալի որ ժողովուրդը աղքատ է նրա համար, որ նրա կեղեքողները հարուստ են. ժողովուրդը ճնշւած է և իրաւունքներից զրկւած որովհետ՛ւ նրա շահագործողները բոլոր իրաւունքները իրենց ձեռքն են առել, վերջապէս ժողովուրդը խաւար է որովհետեւ այդ խաւարը ձեռնառու է նրա շահագործողներին: Կնշանակէ ժողովրդական աղքատութիւնը, իրաւազրկութիւնը և խաւարը—երեք հարազատ քոյրեր են: Նրանք բոլորն էլ իրար պաշտպանում են և բոլոր երեքն էլ իրենց ճանկերումն են պահում աշխատաւոր ժողովրդին:

ԳՆՈՒՄ Բ.

ՈՐՆ Է ԱՐԴԱՐԱՅԻ ՊԵՏՍԿՍՆ ԿԱԶՄԸ:

Կռիւ անարդարութեան դէմ:

Ահա թէ ինչպիսի կարգեր, ինչպիսի անարդարութիւն է տիրում ռուսական պետութեան մէջ: Այդ անարդարութեան արմատներն էլ, ճիւղերն էլ իրար նման են: Ռուսաստանի ամեն մի քաղաքացին այդ բոլորը պէտք է պարզ կերպով հասկանայ և լաւ չիշի: Բայց միայն այդ չի հարկաւոր հասկանալ և չիշել: Զպէտք է մոռանալ, որ ամեն մի անարդարութեան դէմ հարկաւոր է և պէտք է կուսել: Երկրիս վրայ ոչ մի անարդարութիւն գոյութիւն չպէտք է ունենայ, լինի նա մեծ թէ փոքր, հին թէ նոր: Ամեն մի անարդարութիւն նախ և առաջ աշխատաւոր ժողովրդի թշնամին է, որովհետեւ ամենից շատ նա է տուժում զբանից: Ամեն մի բանւոր մարդ իր սրտում պէտք է գրի «Կորչեն ամեն տեսակ անարդարութիւնները»: Մարդիկն են դործում անարդարութիւն, կնշանակէ մարդիկն էլ կարող են վերացնել նրանց: Ներկայ անարդար պետական կարգերում որքան կարելի է շուտ, պէտք է մտցնել փոփոխութիւններ և ի հարկէ այնպիսի փոփոխութիւններ, որոնք օգտակար են ամբողջ աշխատաւոր ժողովրդին: Բայց ի՞նչպիսի փոփոխութիւններ: Իսկապէս ի՞նչը պէտք է կերպարանափոխել և փոխել: Եւ ի՞նչ միջոցներով պէտք է փոխել: Ահա այդ բոլոր հարցերին հարկաւոր է ճիշտ և պարզ պատասխանը տալ:

Մասնաւոր և հասարակական սեփականութիւն:

Նախ քան չարիքի դէմ կուելլը, պէտք է գիտենալ թէ նա որտեղից է բղխում: Դրա մասին արդէն խօսեցինք վերելում: Աշխատաւոր ժողովրդի բոլոր չարիքները, բոլոր տանջանքները բղխում են նրանից, որ ներկայ կարգերում աշխատաւոր ժողովրդի մէջքին նստած են շահագործող սեփականատէրերը: Կնշանակէ նրանց էլ պէտք է իր վզից ցած գլորի աշխատաւոր ժողովուրդը:

Ցած գլորել շահագործողներին. հեշտ է ասել: Իսկ ինչպէս անել այդ: Քանի որ ներկայ պետական կազմի գլխաւոր անարդարութիւնը բղխում է նրանից, որ մի քանիսները—սեփականատէրեր են, իսկ միւսները—ոչ մի սեփականութիւն չունեն, կնշանակէ պէտք է ձգտել՝ մի որևէ կերպ սանձահարել այն չարիքները, որոնց ենթարկւած է ամբողջ աշխատաւոր ժողովուրդը մասնաւոր սեփականութեան շնորհիւ: Բայց ի՞նչպէս այդ անել: Գուցէ վերցնենք հարուստների ամբողջ սեփականութիւնը և բաժանենք աղքատներին: Պարզ է որ այդ կերպ աղքատները մի առ ժամանակ մի քիչ կ'հարստանան, իսկ հարուստները կ'աղքատանան: Բայց դրանից չետոյ կանցի 10—20 տարի, գուցէ աւելի քիչ— և նորից դուրս կգան հարուստներ, որոնք ամեն տեսակ արգար ու անարգար ճանապարհներով իրենց ձեռքում կգիպեն փողերն էլ, հողն էլ, գոժարաններն էլ, երկաթուղիներն էլ, նաւազնացութիւնն էլ, հանքերն էլ, և մեռնելու ժամանակ էլ կ'կտակեն իրենց ժառանգներին որոնք աւելի ևս կ'հարստանան: Կնշանակէ հարուստների սեփականութիւնը խլել և աղքատներին բաժանել—չիմարութիւն է: Դա միայն արիւնահեղութեան տեղիք կտայ, որովհետև հարուստները, որոնց ձեռքում գտնուում է պետական իշխանութիւնը, իրենց բարի կամբով չեն տայ հարստութիւնը: Կնշանակէ գործին այդ կողմից

չպէտք է մօտենայ: Պէտք է այնպէս անել, որ աշխատաւոր ժողովուրդը չաղքատանայ իսկ ժողովրդական շահագործողները չկարողանան հարստանալ: Իսկ դրա համար հարկաւոր է ամեն տեսակ մասնաւոր սեփականութիւնը դարձնել հասարակական սեփականութիւնը: Իսկ ի՞նչպէս դրան հասնել: Դրա մասին պէտք է հարցնել զիւղացիներին—նրանք շատ լաւ գիտեն թէ ինչ բան է հողի հասարակական սեփականութիւնը: Այ օրինակ Իվանովսկի զիւղական հասարակութիւնը: 1861 թ., զիւղացիների թւի համաձայն նրան տւած էր 2000 դեսիատին հող: Այդ հողը իրենք զիւղացիները բաժանեցին իրենց մէջ: Բաժանելու ժամանակ, նրանք ամենայն արդարութեամբ հաշիւ էին անում թէ որ ընտանիքը ինչքան հող կարող է մշակել: Բաժանում էին բոլորը միասին, ամբողջ հասարակութիւնը, ճշմարտութեամբ և արդարութեամբ: Այքի առաջ էին առնուած բոլոր մանրամասնութիւնները: Անցաւ մի քանի տարի: Մի քանիսները մեռան, միւսների երեխաները մեծացան: Մի քանիսներին չէր բաւականացնում տւած հողը, միւսների հողերը երեսի վրայ էին ընկած բանւորական ձեռքերի պակասութեան պատճառով: Այդ պատճառով Իվանովսկի զիւղական հասարակութիւնը վճռեց վերաբաժանել ամբողջ հողը, հողաչին անարդարութիւնը վերացնելու համար: Գիւղական հասարակութիւնը հաւաքւեց և նորից բաժանեց հողը: Անցաւ մի քանի տարի, նա նորից բաժանեց հողը: Ի՞նչ բան է հողի այդ բաժանումը: Դրա մասին հարկաւոր է մտածել և լաւ մտածել: Դա շատ կարեւոր և լաւ գործ է: Բանը նրանումն որ այն երկու հազար դեսիատին հողը, որը 1861 թ. ստացաւ Իվանովսկի զիւղական հասարակութիւնը—ընդհանուր հարստութիւն է, ընդհանուր, այսինքն բոլոր իվանովցիների հասարակական սեփականութիւնը: Այդ երկու



հազար զեսիատին հողի տէրը բոլոր իվանովցիներն են մի-  
ասին: Այդ հողից օգտւելու համար նրանք այդ հողը բա-  
ժանում են աշխատաւորների և բողաղի թւի համաձայն: Կնշանակի նրանց մօտ հողատիրութիւնը անբաժան հասարակական է, իսկ հողաշահութիւնը—մասնաւոր:

Հողատիրութիւն և հողաշահութիւն:

Այսպէս ուրեմն հողաշահութիւնը ուրիշ է, հողատիրութիւնը ուրիշ: Հողատիրոջը հողը տրւում է ընդմիշտ, իսկ հողից շահւողին—միայն որոշ ժամանակով: Իսկ արեցիւր հողից շահւել, այսինքն զարեցիւր մշակել, տուր այդ հողը ուրիշին, ով որ կարիք ունի, միայն թէ նա ռանչպար լինի, այսինքն բանւոր մարդ լինի:

Այ թէ ինչպէս է Իվանովսկի հասարակութիւնը կանոնաւորում հողային հարցը: Իվանովցիները չեն էլ ուղում զիտենալ ի՞նչ է հողի մասնաւոր սեփականութիւնը: Իրա փոխարէն նրանք վաղուց արդէն մտցրել են հողի հասարակական սեփականութիւն:

Եւ դա ոչ միայն Իվանովցիների մօտ է այդպէս այլ շատ ու շատ ուրիշ գիւղական հասարակութիւնների մէջ: Հողերի այդպիսի հասարակական սեփականութիւնը - ամենասովորական բան է համարեա այն բոլոր տեղերում, որտեղ ապրում են ռուս գիւղացիները—Ռուսաստանում, Սիբիրում, Կովկասում: Ռուսական գիւղացիների նման, այդպիսի հասարակական սեփականութիւն են մտցրել իրենց մօտ նաև շատ գերմանական գոյութիւնները, որովհետև տեսան որ դա արդարացի և յարմար բան է: Այդպիսի հողատիրութիւնը շատ ու շատ գիւղացիներին փրկել և փրկում է հողագրկութիւնից: Ամեն մի համայնական գիւղացի իրաւունք ունի ստանալ իր բա-

ժին հողը, իր սեփական աշխատանքով մշակելու համար: Պարզ բան է—այդպիսի կարգերը արդարացի են և ուղիղ:

Բայց պետական ներկայ կարգերում, դա էլ չի փրկում գիւղացուն աղքատութիւնից և տանջանքներից: Եւ ահա թէ ինչու—Գիւղացիների ձուքին շատ քիչ հող կայ, որովհետև հողերի մեծ մասը ամեն տեսակ արդար ու անարդար ճանապարհներով իրենց ձեռքն են առել կալւածատէրերը, ազնւականները, վանառականները, մեծ իշխանները, թագաւորները, վանքերը և ուրիշ մասնաւոր հողատէրերը: Եթէ դա չլինէր, գիւղացիները բաւականաչափ հող կունենային: Այն ժամանակ նրանք հողի քչութիւնից չէին տանջւի: Կնշանակէ ամբողջ գիւղացիական աշխատաւոր ժողովրդի օգտի համար հարկաւոր է ձգտել որ հողը մասնաւոր սեփականատէրերի ձեռքից, որոնք այդ հողի վրայ չեն աշխատում, անցնի այն գիւղացիների ձեռքը որոնք աշխատում են նրա վրայ:

Հողի սօցիալիզացիան:

Բայց դա զեռ բոլորը չէ: Հարկաւոր է որ երկրագործ—գիւղացիները իրենք բաժանեն ամբողջ հողը արդարութեամբ և ճշմարտութեամբ և որ ամբողջ ռուսական պետութեան մէջ հողը կանոնաւոր կերպով բաժանւի բոլոր նահանգների, բոլոր գաւառների, բոլոր գիւղական հասարակութիւնների մէջ: Հարկաւոր է, որ իւրաքանչիւր հասարակութեան մէջ իրենք համայնականները զբաղեն հողի բաժանելու գործով: Այդպիսի մի կարևոր գործ չի կարելի չանձնել կազնային միւն. որ բոլոր պետական գործերը չանցնեն ժողովրդի ձեռքը, այսինքն ժողովրդի ներկայացուցիչների ձեռքը: Հարկաւոր է

որ ինքը աշխատաւոր ժողովուրդը լինի ամբողջ հողի տէրն ու տիրականը և որ զանազան զիւլիական հասարակութիւնների մէջ հողը բաժանւի այդ հասարակութիւններից ընտրւած մարդկանց ձեռքով. նոյն այդ ընտրւածները պէտք է վրձնեն առանձին հասարակութիւնների մէջ ծագած ամեն տեսակ հողային վէճերը, և վարեն իրենց շրջանի բոլոր հողային գործերը: Իսկ շրջանային ներկայացուցիչները պէտք է բաժանեն հողը շրջանների մէջ և վճռեն շրջանների մէջ ծագած հողային վէճերը: Գաւառներից ընտրւածները նոյնը պէտք է անեն զաւառների համար, իսկ նահանգներից ընտրւածները—նահանգների համար: Երջանից ընտրւածները պէտք է հսկեն և անտառների վրայ—թէ արդեօք ինչպիսի անտառները բաժանել, ինչպիսիները պահել, որպէսզի գետերը չբարակեն և ամբողջ պետութեանը վնաս չհասնի: Նոյնպէս և ջրերը, ձկնորսութիւնը և մինչև անգամ հողի զոգը — այդ բոլորի վրայ պէտք է հսկեն ժողովրդական ներկայացուցիչները: Մի խօսքով—բոլոր հողերը ինչքան որ կան պետութեան մէջ պէտք է անցնեն ժողովրդի ձեռքը յանձին նրա ընտրեալ մարդկանց և տեղական և համառուսական ընտրողական հաստատութիւնների ձեռքը, որոնց ձեռքում, այսինքրն ժողովրդի, պէտք է գտնւի ամբողջ իշխանութիւնը և որոնք պէտք է վարեն բոլոր տեղական և պետական գործերը: Այդ դէպքում Ռուսական կայսրութեան մէջ գտնւած բոլոր հողերը կանցնեն այն մարդկանց ձեռքը, որոնք իրենց աշխատանքով մշակում են այդ հողերը, այն ժամանակ այդ ռանչպար—աշխատաւորները կլինեն հողի տէրն ու տիրականը: Այդ տէրերը իրենք կխլեն հողերը այն մարդկանցից, որոնք չեն մշակում և կտան նրանց որոնք մշակում են: Եւ բոլոր աշխատաւորները հող կունենան, բայց ոչ թէ իբրև սեփականութիւն այլ միայն նրանից օգտւելու, շահւելու հա-

մար: Ուրիշ խօսքով ասած, այդպիսի կարգերում հողը կլինի ոչ թէ մասնաւոր սեփականութիւն, այլ հասարակական կամ ինչպէս առհասարակ ասում են սօցիալական: Իրա համար էլ ասում են թէ այդպիսի կարգեր մտցնել նշանակում է հողը սօցիալիզացիայի ենթարկել, այսինքն դարձնել հասարակական սեփականութիւն և յանձնել հասարակութեան, ժողովրդի, տեղական ընտրողական հաստատութիւնների ձեռքը: Այդ պատճառով այդպիսի կազմը կոչւում է հողի սօցիալիզացիա: Այդպիսի կարգերում ամբողջ պետութեան մէջ չեն լինի մասնաւոր հողատէրեր, ոչ խոշոր, ոչ մանր, որովհետև ամբողջ հողի սեփականատէրը կլինի ինքը ժողովուրդը, ամբողջ ժողովուրդը: Կնշանակէ հողատիրութիւնը կլինի համաժողովրդական, իսկ հողաշահութիւնը կանցնի նրանց ձեռքը, որոնք կուզեն մշակել այդ հողը իրենց սեփական աշխատանքով, և միայն այնքան ժամանակով, որքան որ նրանք աշխատում են այդ հողի վրայ: Այդպիսի կարգերում սեփականութիւնը այլ ևս խոչնդոտ չի հանդիսանալ աշխատաւոր ժողովրդի և նախ և առաջ հողագործ—զիւղացիների երջանկութեան համար: Այդ պատճառով, եթէ ուզում ենք արմատախիլ անել պետութեան անարդարացի կարգերը, նախ և առաջ հարկաւոր է ձգտել հողի սօցիալիզացիային: Իս, զիւղացիական բարօրութեան առաջին աստիճանն է: Այժմ Ռուսաստանում միանգամայն հնարաւոր է հասնել հողի սօցիալիզացիային: Միայն Եւրոպական Ռուսաստանի 46 նահանգներում (չհաշւելով Սիբիրը, Կովկասը, Անդրկասպեան երկրները, Լեհաստանը) ներկայումս կայ ձօտ 382 միլ. դեսիատին վարելահող: Իրանից 125,873,547 դեսիատինը գտնւում է ռանչպար—զիւղացիների և զիւղական հասարակութիւնների ձեռքում, 95.680,625 դեսիատին, ազնւականների և մասնաւոր սեփականատէրերի ձեռքում, 10.016,216

դեսիատին եկեղեցիների, վանքերի և այլ հաստատութիւնների ձեռքում, 7.900,000 դեսիատին թագաւորական տան ձեռքում, և մօտ 150.000,000 դեսեատին կազնաչի ձեռքում: Բոլորին յայտնի է, թէ ի՞նչպէս են զիւղացիները ցանկանում իրենց ձեռքը առնել հողերը: Բոլորին յայտնի է, թէ որքան լաւ և արդարութեամբ են բաժանում նրանք հողերը: Կնշանակէ, հողի սօցիալիզացիայի ենթարկելու առաջին միջոցը պէտք է լինի խել հողերը զանազան, իրենց ձեռքերով չմշակող, մասնաւոր սեփականատէրերից, ինչպէս են կալւածատէրերից, թագաւորական տնից, եկեղեցիներից, վանքերից, կազնաչից, և յետոյ այդ բոլոր հողերը յանձնել զիւղացիներին ձեռքը: Հողերը պէտք է խլեն թէկուզ նրան, ներկայ սեփականատէրերի կամքին հակառակ: Միեւնոյն ժամանակ խել առանց չեա զնման: Հասկանալի է, որ ներկայ սեփականատէրերը, կասեն և այժմ էլ ասում են թէ «մեր կամքին հակառակ խել մեր հողերը — դա անարդարութիւն է, վիրաւորանք է, թալան է»: Ի՞նչ անես, թող վիրաւորեն: Մի բան որ նրանք իրենց վիրաւորանքի հետեւ չեն տեսնում համաժողովրդական վիրաւորանքը: Այն ինչ որ արդարութիւն է նրանց համար, կատարեալ անարդարութիւն է ամբողջ աշխատաւոր ժողովրդի համար: Ինչ որ նրանց համար լաւ է, աշխատաւոր ժողովրդի համար վատ է: Ժողովուրդը նրանց համար ձի չէ, որի վրայ նրանք առանց այն էլ ամբողջ հարիւրաւոր և հազարաւոր տարիներ հեծած ման են եկել: Մի քանի հողատէր-կալւածատէրերը իրենք հասկանում են, որ զիւղացիութեան դրութիւնը չափից դուրս անկարելի ծանր է, և որ հարկաւոր է մի փոքր հող աւելացնել նրանց հողաբաժիններին: Իրա համար էլ այդպիսի կալւածատէրերը ասում են՝ «մենք համաձայն ենք զիւղացիներին տալ մեր հողերի մի մասը, միայն ի հարկէ, եթէ նրանք դրա համար մեզ

տան «կարգին» և «արդարացի» վարձատրութիւն: Բայց դա ի՞նչ է նշանակում: Դա, ուրիշ խօսքով, նշանակում է «լաւ գին, լաւ փող»: Բայց դա արդարացի է արդեօք և պէ՞տք է զիւղացիները վճարեն փող այդ հողերի համար: Ոչ, ամբողջ հողը, ինչքան որ կալ կալւածատէրերի ձեռքում, պէտք է խել յօգուտ աշխատաւոր ժողովրդի առանց որեւէ վարձատրութեան, առանց չեա զնման: Եւ զրանում ոչ մի անարդարութիւն չկայ և չի կարող լինել: Իսկապէս էլ այդ պարոն կալւածատէրերը ճրտեղից են ձեռք բերել այդքան հողերը: Գուցէ իրենց արդար աշխատանքով են ձեռք բերել: Բայց չէ՞ որ մենք գիտենք, որ արդար աշխատանքով հասարակ քարէ տուն էլ չեն կարողանում ձեռք բերել, ուր մնաց այդքան ահագին հողեր: Այդ բոլոր հողերը կամ ամեն տեսակ արդար ու անարդար ճանապարհներով խլած են կամ թագաւորներն ու թագուհիներն են բաշխել, իբր թէ ինչ որ ծառայութիւնների համար, կամ փողով են գնւած: Բայց ճրտեղից են այդ պարոն կալւածատէրերը ձեռք բերել այդքան փողերը: Նրանք ուղղակի կամ կազնան են թալանել, կամ զանազան արդար ու անարդար ճանապարհով, առանց որեւէ աշխատանքի:

Կնշանակէ, ոչ նրանց հողերը, ոչ էլ այն փողը, որով գնել են այդ հողերը, իրենց աշխատանքով չեն ձեռք բերւած. առանց խաբէութեան, առանց թալանի և առանց բռնութեան այդ գործը դուրս չէր գալ: Եթէ դա այդպէս է ուրեմն չեա զնման մասին խօսք անգամ չի կարող լինել: Արդէն ամբողջ հարիւրաւոր տարիներ պարոն կալւածատէրերը օգտւել են առանց աշխատանքի ձեռք բերած հողերից: Բաւական է, ժամանակ է, որ աշխատաւոր ժողովուրդն էլ շահւի այդ հողից այնպէս ինչպէս հարկն է: Ժողովուրդը շատ լաւ գիտէ թէ ինչ են նշանակում այդ պալատականների, ազնւականների, չինովնիկ-

ների և կազնալի սարքած «չետ զնուճը» և «չետ զնման վճառները»: Այդպիսի վճառներ զիւղացիութիւնը շատ ու շատ հազարաւոր միլիոններ է տւել ու տւել, որոնք և շատ ու շատ արցունքներ են քամել: Բաւական է—ժողովուրդը այժմ ոչ մի չետ զնման փողեր այլ ևս չպէտք է տալ: Եւ եթէ մինչև անգամ մի որևէ տեղի զիւղացիները կլմուեն հողի համար փող տալ, դա ոչ թէ արդարութիւն կլինի այլ միայն ողորմութիւն—ահա քեզ պարոն կալածատէր, մի քիչ փող, որպէսզի քեզ այնքան էլ ծանր չլինի առաջին ժամանակներում, մինչև որ դու և քո ընտանիքը աշխատանքի սովորէք: Բայց չէ որ ողորմութիւնը—ողորմութիւն է, իսկ արդարութիւնը—արդարութիւն:

Հասարակական հողատիրութիւն, հասարակական հողաշահութիւն և հասարակական արտադրութիւն:

Բայց ահա մի հարց՝ արդեօք երկրիս երեսից կվերանայ աղքատութիւնը, երբ հողը ամբողջ աշխատաւոր ժողովրդի սեփականութիւն գառնայ: Բաւական է արդեօք դրա համար միայն հողի սօցիալիզացիան: Չէ՞ որ ժողովուրդը տարէց տարի աճում է: Իսկ հողի քանակը կարծես թէ մնում է միևնոյնը: Կնշանակէ այսպէս թէ այնպէս կգայ մի ժամանակ, երբ մարդիկ, նորից հողի քչութեան պատճառով չեն գիտենայ ուր գնան: Կգայ ժամանակ, երբ նորից մարդազուլս կ'ընկնի 1 կամ կէս դեսիատին հող: Այն ժամանակ ճրտեղից ձեռք բերեն բոլորի համար հաց: Դրա մասին հարկաւոր է մտածել: Առաջին անգամից դա շատ սարսափելի է թւում և կարծես թէ վերջ ի վերջոյ սովի ճանկերից ոչ մի կերպ չես կարող ազատուել: Բայց դա սխալ է: Մեծ թշուա-

ռութեան դէմ էլ կան մեծ միջոցներ: Չէ՞ որ կարելի է միևնոյն քանակութեամբ հողից ստանալ զանազան քանակութեամբ բերք: Մինչև անգամ միևնոյն հողից մէկը ստանում է աւելի շատ բերք, քան ուրիշը, նայած հողի մշակելու ձեւին: Որտեղ լաւ են մշակում, այնտեղ էլ լաւ բերք են ստանում: Իրենք զիւղացիները շատ լաւ գիտեն թէ ի՞նչ ճանապարհներով կարելի է լաւ բերք ստանալ: Բայց բանը նրանումն է, որ բոլոր այդ միջոցները թանգ արժեն: Կամ հարկաւոր են թանկագին պարարտացնող նիւթեր, կամ լաւ մեքենաներ, կամ լաւ սերմացուներ: Ամեն մի զիւղացի չի կարող այդ բոլոր միջոցները ձեռք բերել: Բայց շատ տեղերում, թէ Ռուսաստանում, թէ արտասահմանում, փողի պակասութեան գէպքում, զիւղացիները կարողանում են գործը դուլս բերել՝ ամեն մէկը տալիս է իր մասը, և այդպիսով թանկագին, լաւ մեքենաներ առնում, որից բոլորն էլ օգտւում են: Օրինակ Ստալինի շահանգում մի քանի զիւղական հասարակութիւններ ունեն իրենց սեփական և հասարակական շոգեկալեր, էլ չեն ասում ուրիշ մեքենաների մասին: Այդ բոլոր մեքենաները—ընդհանուր սեփականութիւն են, համագիւղացիների ընդհանուր հարստութիւն: Այդպիսի մեքենաները մի քանի օրում անում են այն, ինչ որ ձեռքով չի կարելի մի ամուսնայ մէջ էլ անել: Մեքենան մէկի ձեռքից անցնում է միւսի ձեռքը, և բոլորին էլ ծառայում է: Մեքենան վարում է, հնձում է, կալտում է: Ռուսաստանի շատ նահանգներում զիւղացիները շատ լաւ են հասկացել հողի մշակման այդպիսի ձեւի յարմարութիւնը: Դրա շնորհիւ ոչ թէ միայն ժամանակն է խնայւում, այլ և լաւ է մշակւում հողը, որի շնորհիւ և լաւ բերք է ստացւում:

Մի քանի զիւղացիներ այլ ևս իրենց հողերը մաս մաս

չեն բաժանում. նրանք իրենց բոլոր հոգերը միասին են վառում. բայց կարելի է այսպէս էլ անել՝ երկրագործները ոչ թէ միայն ընդհանուր սեփականատէրեր են, այլ և բոլորը միասին էլ շահուում են հողից, միասին առնում են լաւ սերմացուներ, որի շնորհիւ աւելի արժան են նստում, միասին ցանում են, հնձում են, կալսում են և բոլոր ստացւած խոտն ու հացը բաժանում են իրենց մէջ արդարութեամբ: Դուքս է գալի, որ նրանց մօտ հողատիրութիւնն էլ, հողաշահութիւնն էլ, արտադրութիւնն էլ ընդհանուր են: Ստացւած հացը, ի հարկէ, կբաժանեն, այնպէս որ ամեն մէկը ստանայ այնքան, ինչքան աշխատանք որ թափել է: Այդպիսով արդարութիւնը ռանակոխ չի անում, իսկ ձրիակերները ոչ մի եկամուտ չեն ստանում: Միայն հասակաւորներն ու փորձաշատակները, հիւանդներն ու կարօտեալները կարող են հասարակական հաշուով ապրել: Այդպիսի հասարակական արտադրութեան դէպքում բոլոր աշխատաւորներն էլ ահապին օգուտ են ստանում: Նրանք վաստակում են թէ՛ ժամանակ, թէ՛ աշխատանք և թէ՛ փող: Նրանք աւելի լաւ հացով են կերակրւում: Այդպիսով, կնշանակէ, նախ և առաջ կարելի է մի դետիատին հողից աւելի մեծ քանակութեամբ հաց ստանալ, և երկրորդ—կարելի է խնայել ժամանակ ուրիշ աշխատանքի համար:

Բայց դրանք դեռ հասարակական արտադրութեան բոլոր լաւ կողմերը չեն: Գտնւած են և հեղհեղտէ գտնւում են հողից առատ բերք ստանալու դանազան միջոցներ: Այդպիսի միջոցներ շատ կան: Նրանցից մի քանիսը շատ թանգ են և մեծ ծախքեր, մեծ կապիտալ են պահանջում: Ազբատ մարդիկ դրանցից կարող են օգուտել միմիայն փսօնով: Իրա շնորհիւ ամենաթանկագին միջոցներից անգամ կարողանում են օգուտել ազբատ մարդիկ: Այդ պատճառով երբ ժողովրդի

թիւր կմեծանայ, նա կամաց կամաց ստիպւած կլինի փսօնով էլ մշակել հողը, որպէսզի կարողանայ նրանից աւելի մեծ եկամուտ ստանալ, միասին, ընդհանուր ոյժերով կանեն մեքենաներ, միասին կցանեն, միասին կհնձեն:

Կնշանակէ, կգայ մի այնպիսի ժամանակ, երբ օանչպարգիւղացիները միասին կլինեն հողի տէրը, միասին կշահեն հողից և միասին կաշխատեն: Իրա շնորհիւ կարելի կլինի մի դետիատին հողից աւելի շատ հաց ստանալ, քան թէ այժմ: Բացի դրանից, կարելի կլինի պաղաբեր դարձնել այնպիսի տեղեր, որոնք այժմ անպտղաբեր են: Բայց դա էլ դեռ բոլորը չէ: Չէ որ տարեց տարի գիտնական մարդիկ հնարում են նորանոր բարեփոխութիւններ գիւղատնտեսութեան մէջ: Գտնում են թէ ի՞նչ կերպ աւելի լաւ պարարտացնել հողը, աւելի լաւ վարել, հնարում են զանազան նոր մեքենաներ: Հնարում են շատ այն տեսակ բաներ, որոնք, սրանից մի հարիւր տարի առաջ մարդու մտքովն անգամ չէր անցնի: Չէ որ զուր տեղը չեն գիտնական մարդիկ հաց ուտում: Չէ որ դիտութիւնն ու կրթութիւնը—մեծագոյն ոյժերն են: Իրանք առանց այն էլ արդէն շատ բան են փոփոխել մարդկային կեանքի մէջ: Օրինակ, վաղճւց է որ գտնւած են երկաթուղիները, շոգեմուտերը, հեռագրները, հեռախօսները, էլէքտրական լապտերները և հազարաւոր ուրիշ մնքենաները: Իսկ այդ բոլոր գիւտերը սիանդամայն փոխեցին թէ՛ գիւղական, թէ՛ քաղաքային և թէ՛ միջազգային ամբողջ կեանքը: Ամեն մի մեքենայի մէջ, ամեն մի գիւտում երևում է մարդկային խելքի ոյժը, դիտութիւնը: Այդպէս էլ կլինի միշտ: Գիտութիւնը երկրագործութեան համար շատ բան է արել, և շատ էլ կանի: Այժմ արդէն, օրինակ, գիտնականները առաջուց կարող են ասել, թէ այս ինչ բոլորի անելու համար ի՞նչ քանակութեամբ զանազան սննդարար նիւթեր են հարկաւոր, և ահա

վերջնում են այդպիսի պարարտացնող նիւթ և դնում են այն քանակութեամբ, որ հարկաւոր է բոյսի աճման համար, այդ ժամանակ լաւ բերքը արգէն ապահոված է: Միայն ցաւը նրանումն է, որ այդպիսի պարարտացնող նիւթերը թանգ արժեն: Բայց վերջ ի վերջոյ դրանք էլ կէժանանան— կգտնեն աւելի էժան գնով ձեռք բերելու միջոցները— և այն ժամանակ անպտուղ հողերն էլ բերք կտան:

Կնշանակէ գիտութեան և կրթութեան ու հասարակական արտադրութեան շնորհիւ հողը աւելի ու աւելի շատ բերք կտայ: Հետեւապէս ինչքան էլ մարդիկ չբաղմանան, բոլորը մէկ է, սովից չեն մեռնի, եթէ ի հարկէ, նրանց պետական ու հասարակական կարգերը կազմած լինեն լաւ և արգարացի կերպով: Իսկ այժմ ի՞նչ ենք տեսնում մենք: Ամեն մի աղքատ-ուսնչպար իր կաշւիցն է դուրս գալի: Գրպանը գատարկ, կրթութիւն չունի, միայն մտածում է թէ ի՞նչ պէս անի, որ սովից չմեռնի, ընտանիքը պահի, ամեն մի նորութիւնից վախում է, իրեն շուրջը չի տեսնում և չի ճանաչում իր բարեկամներին և խորհուրդ տւողներին: Նրա շուրջը ամեն տեղ կամ մրցակիցներ են կամ թշնամիներ: Մրցակիցները— նոյնպիսի աղքատներն են, ինչպէս ինքը, իսկ թշնամիները— ժողովրդի շահագործողները, որոնց ձեռքում գտնւում են թէ՛ սեփականութիւնը, թէ՛ կապիտալը, թէ՛ պետական իշխանութիւնը:

**Գործարանների, գաւօղների սօցիալիզացիան:**

Այսպէս ուրե՛մն, հողի սօցիալիզացիան— առաջին քայլն է: Մրան պէտք է հետևի երկրորդ քայլը— արտադրութեան և ամբողջ երկրագործական տնտեսութեան սօցիալիզացիան:

Պէտք է զարգանայ հասարակական տնտեսութիւնը, գործադրելով արտադրութեան այնպիսի կատարելագործւած միջոցներ, որոնք մատչելի չեն առանձին մանր երկրագործին. այդ նոյն հասարակական տնտեսութիւնը պէտք է ընդգրկի նա և ամբողջ գործարանական արտադրութիւնը: Գիւղացիներին կեղեքում է հողի մասնաւոր սեփականութիւնը, իսկ գործարանական և այլ բանւորներին կեղեքում է գործարանների, հանքերի, շոգենաւերի, երկաթուղիների մասնաւոր սեփականութիւնը: Թէ՛ առաջիններին և թէ՛ երկրորդներին կեղեքում է այն, որ ամեն ինչ պատկանում է ոչ թէ աշխատաւոր ժողովրդին, ոչ թէ ամբողջ հասարակութեան այլ մի քանի մարդկանց, ժողովրդական շահագործողների խմբակին: Մասնաւոր սեփականութիւնը միշտ և ամեն տեղ միևնոյն բանն է անում՝ նա շահագործողին, բանւոր մարդու մէջքին է շալակում: Գործարանական բանւորներին այդ ցաւից ազատելու համար պէտք է գործարանների, հանքերի, երկաթուղիների, և ամեն տեսակ մեքենաների հետ վարել միշտ այնպէս, ինչպէս և երկրագործութեան հետ: Գործարաններն էլ, գաւօղներն էլ, երկաթուղիներն էլ, հանքերն էլ, շոգենաւերն էլ, բոլոր մեքենաներն էլ, պէտք է դառնան ամբողջ աշխատաւոր ժողովրդի սեփականութիւն: Պէտք է սօցիալիզացիայի ենթարկել ոչ միայն հողը (թէ քաղաքային և թէ գիւղական) այլ և երկրագործական տնտեսութիւնը և դրա հետ միասին գործարանները և գաւօղները: Նրանցից ոչ մէկը մասնաւոր սեփականութիւն չ'պէտք է լինի: Նրանք բոլորը պէտք է լինեն համաժողովրդական, հասարակական սեփականութիւն: Այդ բոլոր հարստութիւնների տէրը պէտք է լինի ամբողջ աշխատաւոր ժողովուրդը, միայն նա, միևնոյն ժամանակ, անբաժան և յաւիտենական տէրը: Զրիակերներ ոչ մի տեղ չ'պէտք է լինեն, ո՛չ գիւղերում, ո՛չ քաղաքներում. ամեն մէկը

մի որևէ բանում և մի որևէ տեղ պէտք է աշխատի—հողի վրայ, մեքենաների վրայ և այլն: Ամեն մէկը իր աշխատանքը պէտք է տայ ամբողջ պետութեան: Ամբողջ պետութեան իսկական տէրը պէտք է լինի միմիայն աշխատաւոր ժողովուրդը: Բայց նա ոչ միայն պէտք է տէրը լինի, այլ և բանւորը: Նա պէտք է լինի ոչ թէ բանւոր-վարձկան այլ բանւոր-տէր: Ամեն մի բանւոր մարդ, ով էլ որ լինի նա զիւղացի, գործարանական բանւոր, թէ արհեստաւոր, պէտք է լինի ժողովրդական բոլոր հարստութիւնների սեփականակից— թէ ամբողջ հողի, թէ բոլոր գործարանների և թէ ամեն ինչի: Նա ոչ միայն այդ բոլորի տէրը պէտք է լինի, այլ և պէտք է շահւի դրանցից և աշխատի: Աշխատել թէ իր և թէ բոլորի համար: Աշխատել, որպէսզի ապրի և իրեն համարի պետական, ժողովրդական բոլոր հարստութիւնների սեփականակից:

Ամեն մի աշխատող մարդ իրաւունք պէտք է ունենայ ասելու՝ «այն բոլորը, ինչ որ պատկանում է ամբողջ պետութեան, պատկանում է ինձ, որովհետև ես աշխատում եմ: Իսկ ինչ պատկանում է ինձ, պատկանում է և ամբողջ պետութեան, ամբողջ ժողովրդին, որովհետև ժողովուրդը նոյնպիսի աշխատաւոր է, ինչպէս և ես: Ես աշխատում եմ բոլորի համար, որովհետև բոլորը աշխատում են ինձ համար: Եթէ ես չաշխատեմ, եթէ ուիշները ինձ համար աշխատեն—ես ձրիակեր կլինեմ: Վարձկան բանւորներ բոլորովին չպէտք է լինեն»: Ո՛չ, այն ամենը ինչ որ հարկաւոր է մարդուն իր աշխատանքը գործադրելու համար, պէտք է դառնայ հասարակական սեփականութիւն: Այդպիսի կարգերում, մարդու աշխատանքի ամբողջ եկամուտը ոչ թէ կ'մանի ուրիշի զրպանը, այլ կ'մնայ իր զրպանում, իբրև պատրաստի ապրանք: Բոլոր պատրաստած ապրանքները կ'բաժանւի բոլոր աշխատաւորների մէջ արդարութեամբ և նշմարտութեամբ, նայած թէ նրանցից

ամեն մէկը ի՞նչքան և ի՞նչպէս է աշխատել, իսկ մի տեսակ բանւորների ապրանքները կ'փոխեն ուրիշ բանւորների ապրանքների հետ, աչքի առաջ ունենալով այդ ապրանքները պատրաստելու վրայ դործ դրած ժամանակի և աշխատանքի քանակը: Այդպիսի կարգերի շնորհիւ ամբողջ պետական կեանքը պէտք է բոլորովին փոխւի: Այդպիսի կարգերում ամեն ինչ կլինի հասարակական՝ սեփականութիւնն էլ, օգտւելն էլ, արտադրութիւնն էլ: Այլ ևս չեն լինի ոչ տէրեր, ոչ բանւորներ, որովհետև բոլորն էլ կլինեն թէ տէր և թէ բանւոր: Չի լինի ոչ աշխատավարձ, ոչ շահ որովհետև թէ աշխատավարձը թէ շահը կ'մանի բանւորի զրպանը: Իսկ ներկայ անարդար կարգերում բանւորի զրպանը մտնում է միայն կոպէկանոց աշխատավարձ, իսկ ամբողջ շահը—ձրիակերի, շահագործող—տիրոջ զրպանը:

### Հասարակական դասակարգերի կռիւր և ապագայ հասարակական կարգերը:

Ինչպէս յաջտնի է, այժմ բանւորները կռիւ են մղում իրանց տէրերի դէմ, որովհետև նրանց շահերը տարբեր են: Բոլոր բանւորները—դա մի հասարակական դասակարգ են կազմում. բոլոր տէրերը—միւս հասարակական դասակարգը: Իսկ սակարգ—նշանակում է այնպիսի մարդկանց խմբակցութիւն որոնց շահերը մէկ են, որովհետև միևնոյն դասակարգի բոլոր մարդիկ իրենց գոյութեան միջոցները ստանում են միևնոյն ճանապարհով: Օրինակ, բանւորները ապրում են իրենց աշխատավարձով, իսկ գործարանատէրերը—շահով: Առհասարակ ինչ որ լաւ է գործարանատիրոջ համար, վատ է բանւորի համար, կնշանակէ ներկայ կարգերում գործարանատէրերի շահ

հերը հակասում են բանւորի շահերին: Այլ պատճառով գործարանատէրերի դասակարգի և բանւորական դասակարգի մէջ միշտ տեղի ունի անընդհատ, կամ ծածուկ կամ բաց, կռիւ: Այժմ ամեն մի դասակարգ ձգտում է խլել միւս դասակարգից այն ամենը, ինչ որ կարող է: Դրա մէջն է կայանում դասակարգերի կռիւը, կամ դասակարգային կռիւը: Իսկ երբ ամբողջ հողը, բոլոր գործարանները, զաւօդները և այլն կդառնան ամբողջ աշխատաւոր ժողովրդի հասարակական սեփականութիւն, այն ժամանակ, պարզ է, որ չեն լինի և դասակարգեր: Չի լինի և դասակարգային կռիւ:

Կնշանակէ բոլոր մարդիկ կապրեն իրար հետ համերաշխու համաձայն, որովհետեւ իրենց մէջ բաժանելու բան չեն ունենայ: Բանւորը չի գնայ կոպէկանոց աշխատավարձով աշխատելու, որպէսզի խլի ուրիշ գործարանի հետ և չի գցի նրա ապրանքների գինը: Երբ որ տէրեր չեն լինի, այն ժամանակ տէրերի մրցութիւնն էլ չի լինի: Այն ժամանակ խօսք էլ չի լինի զնի մասին, որի համար այժմ առևտուր են անում, այլ միայն ապրանքների օգտակարութեան մասին: Հասարակական գործարանները այնքան ապրանք կպատրաստեն, որքան հարկաւոր է ժողովրդին համար: Իսկ թէ ինչքան է հարկաւոր ժողովրդին այդ բանը կարողանում են իմանալ մինչև անգնամ այժմ: Այդպէս էլ կլինի այն ժամանակ: Չեն լինի և աշխատազուրկներ: Երբ ամեն մի բանւոր միևնույն ժամանակ տէր կլինի, կնշանակէ նա իրաւունք ունի ստանալու աշխատանք. մի գործարանում չլինի, միւսում կստանայ: Կնշանակէ երբէք չի լինի և անաշխատութիւն: Ինքը հասարակութիւնը աշխատազուրկների համար կգտնի աշխատանք, կլինի նոր գործարաններ և առհասարակ կգտնի որեւէ հարկաւոր և օգտակար գործ: Իսկ եթէ այլ ևս

ապրանքներ հարկաւոր չլինի, որովհետեւ շատ են պատրաստել—դրա մէջ էլ վատ ոչինչ չկայ. նոր բանւորների դալով կարելի կլինի աւելի թեթեւացնել միւսների աշխատանքը: Իրանից էլ ոչ մի վնաս չի գայ պետութեան, որովհետեւ ապրանքների հարկաւոր քանակը չի պակասի, բոլորին կբաւականանայ:

Կնշանակէ այդպիսի կարգերում նոր բանւորների աւելանալով, ոչ ոք աշխատանքից չի զրկւի. դրա փոխարէն բոլորի համար կարելի կլինի կրճատել բանւորական օրը: Իսկ երբ բանւորական օրը կարճ լինի այն ժամանակ բանւոր մարդը բաւականին ազատ ժամանակ կունենայ պարապելու իր կրթութեամբ և իր ընտանիքի հոգսերով: Այժմ գործարանատիրոջը ձեռնառու է որ բանւորները որքան կարելի է երկայն աշխատեն և որքան կարելի է քիչ ստանան, իսկ պետութեան համար հարկաւոր է որ բանւոր մարդիկ լինեն առողջ, ամուր կազմաւորով, բարի, ապահով և կրթւած: Մարդը նախ և առաջ պէտք է մարդ լինի և ոչ թէ լծկան ձի կամ ճորտ: Ամեն մէկ մարդու համար ամենից աւելի թանգ պէտք է լինի նրա մարդկային երջանկութեւնը, իսկ երջանկութիւնը միայն կուշտ լինելու՞մը չի կայանում: Որպէսզի մարդ երջանիկ լինի, նրա մէջ չպէտք է մեռնի և հանդիպի ոչ մի մարդկային ընդունակութիւն, հոգու և մարմնի և ոչ մի կարողութիւն: Մի խօսքով, միայն նա է իսկապէս երջանիկ մարդ, որ ապրում է լիակատար, լաջն և խորը կեանքով, և որի մէջ չի քնած ո՛չ խելքը, ո՛չ զգացմունքը, ո՛չ կամքը և որը զգում և հասկանում է, որ բոլոր մարդիկ պէտք է եղբայրներ լինեն և որ ամեն մի առանձին մարդ միայն այն ժամանակ կարող է իսկապէս երջանիկ լինել, երբ երջանիկ են նրան շրայատող բոլոր մարդ-եղբայրները, ամբողջ աշխատաւոր ժողովուրդը: Իսկ այդպիսի երջանկութիւնը հնա-



րաւոր կգառնայ միայն այն ժամանակ, երբ թէ հողը, թէ՛ գործարանները, թէ՛ զաւօղները կգառնան հասարակական սեփականութիւն, և երբ երկրիս վրայ ոչ մի շահագործումն չի լինի:

Ի՞նչ է սօցիալիզմ:

Կան մարդիկ, որոնք ասում են թէ «այժմս էլ կայ այնպիսի սեփականութիւն, որը չի կարելի անւանել մասնաւոր սեփականութիւն. օրինակ շատ երկաթուղիներ և մի քանի գաւօղներ պատկանում են կազնաչին — միլենոյնն է թէ պետութեան. պետական երկաթուղիները պատկանում են ամբողջ պետութեան, այսինքն պետութեան բոլոր քաղաքացիներին»: Այդպէս ասում են և մտածում շատ ու շատ մարդիկ, որոնք շատ քիչ բան են հասկանում: Բայց դա սխալ է: Չէ՞ որ նրկայ պետական իշխանութիւնը, այսինքն ներկայ կառավարութիւնը, կազնան — բոլորովին էլ ժողովրդական կառավարութիւն չէ: Այդ կառավարութիւնը դեռ ևս գտնւում է ոչ թէ ժողովրդի ձեռքում, այլ ժողովրդի շահագործողների ձեռքում: Կնշանակէ երկաթուղիների և այլ պետական ձեռնարկութիւնների տէրերն էլ նրանք են, նրանք են կառավարում ամբողջ գործը կազնայի օգտին, իսկ կազնան նրանց ձեռքում, միլենոյն շահագործողն է, ինչպէս օրինակ մի որեւէ մեծ առևտրական ձեռնարկութիւն: Ներկայ պետութեան այդպիսի անարդար կարգերում այդ պետական առևտրականներից ոչ մէկն էլ չի մտածում աշխատաւոր ժողովրդի շահերի մասին: Նրանք միայն աշխատում են որքան կարելի է շատ փող մտնի կազնան, այն յոյսով ի հարկէ, որ իրենք էլ բաժին ստանան:

Կնշանակէ պետական արդիւնաբերական ձեռնարկութիւնները երբէք չի կարելի համարել համաժողովրդական, հասարակական ձեռնարկութիւններ: Կազնան միայն նրանով է տարբերում միւս ձեռնարկողներից, որ նա ամենից հարուստն է: Կնշանակէ պետական ներկայ կարգերում պետական սեփականութիւնը, հասարակական սեփականութիւն չէ: Որպէսզի նա կարողանայ զառնայ համաժողովրդական, անբաժան սեփականութիւն, դրա համար անհրաժեշտ է որ պետական իշխանութիւնը ամբողջովին անցնի աշխատաւոր ժողովրդի ձեռքը: Այն կարգերը, որտեղ թէ՛ հողը, թէ՛ գործարանները, թէ՛ զաւօղները, թէ՛ հանքերը, թէ՛ շոգենաւերը, թէ՛ երկաթուղիները, թէ՛ արհեստանոցները, և թէ՛ մեքենաները կլինեն հասարակական, համաժողովրդական, անբաժան սեփականութիւն, իսկ նրանցից կօշտւեն և նրանց վրայ կաշխատեն բոլոր մարդիկ միասին, այդպիսի կարգերը կոչւում են սօցիալիստական կարգեր կամ հասարակութեան սօցիալիստական կազմակերպւթիւն: Այն մարդիկ, որոնք ձգտում են այդպիսի կարգերի կոչւում են սօցիալիստներ: Այդպիսի հասարակական կարգերի օգտակարութեան և անհրաժեշտութեան մասին ունեցած նրանց գիտութիւնը և հաւատքը կոչւում է սօցիալիզմ:

Սօցիալիստական կարգերը անհրաժեշտ և ձեռնտու են նախ և առաջ ամբողջ աշխատաւոր դասակարգին — գիւղացիներին և գործարանական բանւորներին: Այդ պատճառով աշխարհիս բոլոր երկրներում, աշխատաւոր ժողովրդի միջից դուրս են դալի աւելի ու աւելի մեծ քանակութեամբ սօցիալիստներ: Մի քանի երկրներում ինչպէս օրինակ Ֆերմանիայում նրանց թիւը հասնում է միլիոնների և մինչև անդամ տասնեակ միլիոնների: Ներկայումս Ռուսաստանում էլ բաւականին սօցիալիստներ կան: Նրանք բոլորն էլ համա-

ձայն են իրար հետ մի բանում, որ վերջ ի վերջոյ հողը, գործարանները, զաւօղները և այլն դրանք բոլորն էլ պէտք է հասարակական սեփականութիւն դառնան: Նրանք բոլորն էլ պաշտպանում են աշխատաւոր ժողովրդի շահերը, բոլորն էլ հասկանում են որ ամեն մի բանւոր մարդ ամենից աւելի մօտ է միւս բանւոր մարդուն, ինչ ցեղին կամ ազգին էլ պատկանելիս չլինի նա: Ռուս բանւորի համար ի՞նչքան աւելի մօտ է դերմանացի բանւորը, քան նրա ռուս խաղէչինը: Ժիշտ այդպէս էլ ամեն մի կապիտալիստին աւելի մօտ է կապիտալիստը, քան բանւորները, որոհեաւ բոլոր կապիտալիստներին կապում, միացնում է նրանց, կապիտալիստների, շահերը, բոլոր բանւորներին-բանւորական շահերը: Մահերինոյնութիւնը միացնում է բոլոր երկրների, բոլոր ազգութիւնների, ցեղերի և կրօնների բանւորներին: Կնշանակէ բանւորական դործը— միջազգային դործ է, և ոչ թէ միայն ազգային: Այդ պատճառով էլ սօցիալիստները խտրութիւն չեն դնում ո՛չ ազգութիւնների, ո՛չ ցեղերի և ոչ էլ կրօնների, այլ աշխատում են միացնել բոլոր երկրների բանւորներին: Մի երկրի սօցիալիստները օգնում են միւս երկրների սօցիալիստներին. ընդհանուր ժողովներ են ունենում, աշխատում են դործել համերաշխ և միացեալ կերպով և միշտ ու ամեն տեղ պաշտպանում են աշխատաւոր ժողովրդի շահերը շահագործողների դէմ:

Ժիշտ է բոլոր սօցիալիստները միմիանց հետ համաձայն չեն: Այնուամենայնիւ նրանց մէջ աւելի շատ նմանութիւն կայ քան տարբերութիւն: Զանազան երկրների սօցիալիստները, իրենց հայեացքների համաձայն, բաժանւում են կուսակցութիւնների: Ռուսական սօցիալիստներն էլ բաժանւում են երկու մեծ կուսակցութիւնների: Կուսակցութիւն—նշանակում է մի այնպիսի միութիւն, որի մէջ մտնում են այն բոլոր

մարդիկ, որոնք միատեսակ են մտածում, ձգտում են միևնոյն նպատակների և հասարակական ու պետական միւլենոյն փոփոխութիւնների: Ռուսական սօցիալիստների մէկ կուսակցութիւնը կոչւում է «Ռուսաստանի սօցիալ-դեմօկրատիական բանւորական կուսակցութիւն» իսկ այդ կուսակցութեան անդամները կոչւում են «սօցիալ-դեմօկրատներ»: Ռուսական միւս սօցիալիստական կուսակցութիւնը կոչւում է «սօցիալիստ-լեղափոխականների կուսակցութիւն»: Սօցիալ-դեմօկրատները իրենց անւանում են պրօլետարական կուսակցութիւն և պաշտպանում են նախ և առաջ վարձու բանւորների շահերը, իսկ զիւղացիներին նրանք համարում են բուրժուազիա (թէ և մանր) և կարծում են, որ բանւորների և զիւղացիների շահերը ոչ թէ միևնոյն են այլ իրար հակառակ: Սօցիալիստ-լեղափոխականները իրենց անւանում են ամբողջ աշխատաւոր և շահագործող ժողովրդի (թէ բանւորների և թէ զիւղացիների) կուսակցութիւն և կարծում են, որ թի մէկի և թէ միւսների շահերը ըստ էութեան նոյնն են: Երկու կուսակցութիւններն էլ, այսինքն թէ սօցիալ-դեմօկրատները և թէ սօցիալիստ-լեղափոխականները ձրգտում են սօցիալիստական կարգերին:

Դեմօկրատիա և ժողովրդապետութիւն:

Բայց ի՞նչ միջոցներով կարելի է հասնել այդ կարգերին: Արդէն ասացինք, որ տիրող ներկայ կարգերում, պետական իշխանութիւնը գտնւում է շահագործողների (բուրժուազիայի) ձեռքում: Հասկանալի է, որ քանի դեռ այդ իշխանութիւնը գտնւում է նրանց ձեռքում, ոչ մի սօցիալիստական կարգեր չեն կարող իրականանալ: Թէ՛ օրէնքները, թէ՛ դատարան-

ները, թէ՛ գորքը, թէ՛ ոստիկանութիւնը, թէ՛ դպրոցները, թէ՛ եկեղեցին—այդ բոլորը ծառայում են շահագործողներին, իսկ ժողովրդին ընկնում է միայն վշտունքները: Ժողովրդին աալիս են միայն, ինչ չի կարելի չտալ: Պարզ է, որ եթէ աշխատաւոր ժողովուրդը ուզում է ձեռք բերել մարդավայել կեանք, նա նախ և առաջ պէտք է շահագործողներին ձեռքից խլի պետական իշխանութիւնը և պահի իր ձեռքում: Դա նրա ամենակարևոր և ամենաառաջին գործը պէտք է լինի: Իրանից էլ հարկաւոր է սկսել: Ներկայումս օրէնքները մշակում են չինովնիկները, իսկ չինովնիկները պետական իշխանութեան, այսինքն միևնույն շահագործողների կաշառակեր վարձկաններն են: Նրանք օրէնքներ են հնարում առանց հարցնելու, իմանալու և ստանալու աշխատաւոր ժողովրդի համաձայնութիւնը: Նարկաւոր է, որ ժողովուրդը, ինքը իրեն համար օրէնքներ մշակի և հաստատի, առանց չինովնիկների, մինիստրների և թագաւորի համաձայնութեան: Աշխատաւոր ժողովրդի շահերը պահանջում են, որ օրէնսդրական իշխանութիւնը գտնւի ոչ թէ ազնւական—կալաճատէրերի, դաւաճիկների, վաճառականների, կապիտալիստների և ուրիշ շահագործողների ձեռքում, այլ իր սեփական ձեռքում: Իսկ դրա համար հարկաւոր է, որ ամբողջ պետութեան գլուխ կանգնած լինեն ամբողջ աշխատաւոր ժողովրդից ընտրւած մարդիկ: Անհրաժեշտ է, որ այդ մարդկանց ընտրէ ամբողջ ժողովուրդը, առանց կոչման, կարողութեան, ազգի և սեռի խտրութեան: Նարկաւոր է, որ նրանց ընտրեն ոչ թէ միայն հարուստները, այլ և ամենաաղքատները, թէ՛ օրուները, թէ՛ լեհացիք, թէ՛ հրէաները, թէ՛ հայերը, թէ՛ տղամարդիկ և թէ՛ կանայք: Զէ՛ որ բոլոր մարդիկն էլ իրենց պետութեան քաղաքացիներն են: Զէ՛ որ հասարակական գործերը բոլորի սրտին էլ մօտ են: Այդ պատ-

ճառով, բոլոր քաղաքացիները պէտք է իրաւունք ունենան ընտրելու, և ընտրելու այն մարդուն, որին իրենց խղճի համաձայն ուզում են, առանց կողմնակի ճնշումների: Դա է, որ կոչւում է ընդհանուր ընտրողական իրաւունք:

Բայց միայն ընդհանուր ընտրողական իրաւունքը գեաբաւական չէ—հարկաւոր է, որ նա լինի բոլորի համար հաւասար: Դա նշանակում է, որ ամեն մի քաղաքացի, ով էլ որ լինի նա, պէտք է ունենայ միայն մի ձայն որպէսզի հարուստը իր ձեռքում չունենայ երկու երեք ձայն միայն նրա համար, որ նա հարուստ է, և որպէսզի ամեն ընտրող իրաւունք ունենայ նաև ընտրելու: Աշխատաւոր ժողովրդի շահերի աեսակէտից հարկաւոր է նոյնպէս, որ ընդհանուր հաւասար ընտրողական իրաւունքը լինի նաև ուղղակի: Դա նշանակում է իրաւունք ունենալ իրեն ցանկացած մարդուն ընտրել առանց որևէ միջնորդութեան, ուղղակի կերպով: Յաճախ լինում է այսպէս՝ քաղաքացիները ընտրում են պատւիրակներ, իսկ այդ պատւիրակները իրենց միջից ընտրում են իսկական պատգամաւորներին: Այդպիսի ընտրութիւնները կոչւում են երկաստիճան, որովհետև անցնում են երկու աստիճան: Ամեն մի աստիճանի վրայ ընտրեալ մարդիկ աւելի ու աւելի մաղւում են, կարծես թէ անցնում են մաղի միջով: Նասկանալի է, որ այդպիսի պայմաններում կարող են չընտրուել այն մարդիկ, որոնց կուզենար ընտրել աշխատաւոր ժողովուրդը, այլ ընտրւում են նրանք, որոնց մինչև այդ ժողովուրդը բոլորովին չէր էլ ճանաչում:

Կնշանակէ երկաստիճան ընտրութիւնները ձեռնտու են միայն ժողովրդի շահագործողներին և ոչ թէ աշխատաւոր ժողովրդին: Այդ պատճառով էլ մինիստր Բուլիզինը զիւղացիների համար մտցրեց մինչև անգամ քառաստիճան ընտրութիւններ Պետական Դումայի ընտրութիւնների մէջ, որպէսզի

այդպիսով այնտեղ մտնեն միայն կառավարութեան համար ցանկալի զիւղացիները: Ընտրութիւններէ մէջ ոչ մի աստիճաններ չպէտք է լինեն: Ժողովուրդը պէտք է իրաւունք ունենայ ընտրելու այն մարդկանց, որոնց ինքն է ուզում, ուղղակի կերպով, առանց միջնորդների: Վերջապէս, որպէսզի ընտրութիւնները կատարւեն առանց որեւէ ճնշումների, անհրաժեշտ է պաղտնի, այսինքն փակ քւէարկութիւն: Դա նշանակում է, որ ամեն մի քաղաքացի պէտք է տոմսակի վրայ գրի այն մարդու ազգը, որին ուզում է ինքը ընտրել, և ոչ ոք գործ չպէտք է ունենայ թէ ինչ մարդ ունի անունն է գրել, և դա ոչ ոք չպէտք է դիտենայ: Ձէ որ դեռ աշխարհիս վրայ կան հարուստներ ու աղքատներ, ուժեղներ և թուլեր: Հասկանալի է, որ հարուստները և ուժեղները ամեն կերպ կաշխատեն, որ աղքատները և թուլերը իրենց ձայն տան: Հասկանալի է, որ հարուստ և ուժեղ մարդը միշտ կարող է հալածել աղքատին և թուլին, եթէ դրանք իրեն չեն ձայն տւել: Ահա, որպէսզի կարելի լինի աղքատին և թուլին ազատել այդպիսի հալածանքներից, դրա համար հնարած է զազանի քւէարկութիւնը, որի շնորհիւ հարուստները և ուժեղները չեն կարող իմանալ թէ ունեն ձայն տւել աղքատները: Ահա թէ ինչպիսի ընտրողական իրաւունք է անհրաժեշտ աշխատաւոր ժողովրդին. առաջին՝ ընդհանուր, երկրորդ՝ հաւասար, երրորդ՝ ուղղակի և չորրորդ՝ զաղտնի: Բաց հէնց այդպիսի ընտրողական իրաւունքը ձեռնտու չէ ժողովրդի շահագործողներին: Դրա համար էլ այդպիսի ընտրողական իրաւունք են պահանջում միայն ժողովրդի իսկական, անկեղծ բարեկամները: Միայն այդպիսի ընտրողական իրաւունք մտցնելով, իսկապէս, ժողովրդի ընտրեալները, կլինեն ժողովրդի ներկայացուցիչներ, իսկ պետական իշխանութիւնը իսկապէս կանցնի ժողովրդական ներկայացուցիչ-

ների ձեռքը: Միայն այդպիսի ընտրողական իրաւունք մտցնելով աշխատաւոր ժողովուրդը կարող կլինի ընտրել այնպիսի մարդկանց, որոնց նա միանգամայն հաւատում է և ճանաչում է նրանց իբրև խելօք, ազնիւ, զիտակից, աշխատաւոր, համարձակ և ժողովրդի շահերը հասկացող: Ահա իր այդպիսի ներկայացուցիչներին պէտք է դնի պետութեան զլուխ աշխատաւոր ժողովուրդը:

Երբ կմտցնւի ընդհանուր ընտրողական իրաւունք, թող հարուստներն էլ ընտրեն իրենց ներկայացուցիչներին — դա ժողովրդի համար այնքան էլ վտանգաւոր չէ, որովհետև շահագործողների թիւը քիչ է, իսկ աշխատաւոր ժողովրդի թիւը շատ. կնշանակէ նրանց ներկայացուցիչների թիւը աւելի քիչ կլինի, քան աշխատաւոր ժողովրդի ներկայացուցիչների թիւը, որովհետև վերջինները աւելի շատ ընտրողական ձայներ ունեն, քան ժողովրդի շահագործողները: Աշխատաւոր ժողովրդի այդպիսի ներկայացուցիչները կփոխեն այն բոլոր օրէնքները, որոնք այժմ վնասակար են զիւղացիների, գործարանական և այլ բանւորների համար: Աշխատաւոր ժողովրդի իսկական ներկայացուցիչները բոլոր չինովնիկներէ կլլաւ կզիտենան և իսկապէս էլ դիտեն, թէ ո՞րն է ժողովրդի համար օգտաւէտ և ո՞րը վնասակար:

Բաց դեռ բաւական չէ հնարել և քննել օրէնքները: Գլխաւորը այդ օրէնքները հաստատելու մն է: Մի քանի երկրներում լինում է այսպէս՝ ժողովրդի ընտրեալները քննում են օրէնքները, իսկ թագաւորը հաստատում է: Իսկ թագաւորի կռնակում նստած են թագաւորի տղղականները և պալատականները, իսկ նրանց կողքին — նշանաւոր չինովնիկները, իշխաններն ու կոմսերը, ազնւականները, հարուստ-կապիտալիստները, գործարանատէրերը և նշանաւոր վաճառականները: Շատ անգամ դժուար է լինում որոշել թէ ո՞րտեղ է վերջանում

Թագաւորի կամքը, և որտեղից է սկսուում զանազան ժողովրդական շահագործողների խարդախութիւնները և շահատակութիւնները: Հասկանալի է, որ մինչև անգամ ամենախելօք, ընդունակ և աշխատաւոր Թագաւորը չի կարող ամեն ինչ դիտենալ և հասկանալ թէ ի՞նչպէս են վարուում 140 միլիօն ժողովրդի հետ: Չի կարող եթէ մինչև անգամ ուղեւայ: Այդ պատճառով նա պէտք է խորհուրդներ հարցնի նրանցից, որոնք նրա կողքին են կանգնած: Ինչ որ նրա մտերիմ մարդիկն են ասում, նա էլ նոյնն է կրկնում: Բացի դրանից, ինքը Թագաւորն էլ նոյնպէս աղնւական է, նոյնպէս կալւածատէր է, նոյնպէս հարուստ է: Նա ինքը ահազին կալւածներ, զործարաններ, զաւօղներ և հսկայական կապիտալներ ունի արտասահմանում: Թագաւորն էլ նոյնպիսի մարդ է, ինչպէս ուրիշները: Նրա համար էլ, ինչպէս և ուրիշների համար, իր շապիկը աւելի մօտ է մարմնին: Քանի որ դա այդպէս է, ուրեմն ի՞նչ կարող է սպասել նրանից աշխատաւոր ժողովուրդը:

Կարող է պատահել, որ Թագաւորի և ժողովրդի ներկայացուցիչների մէջ տարածաչնութիւններ, վէճեր ծագեն. օրինակ, ժողովրդական ներկայացուցիչներին այս ինչ օրէնքը կարող է լաւ թւալ իսկ Թագաւորին և նրա բարեկամներին վատ: Հասկանալի է, որ Թագաւորը այդպիսի օրէնքը չի հաստատի: Օրինակը մեր աչքի առաջն է: Ճէնց որ Պետական Դուման ուղեց հրատարակել նոր օրէնք, որով բոլոր հողերը պէտք է անցնեն աշխատաւոր ժողովրդի ձեռքը, Թագաւորը անմիջապէս ցրեց Դուման: Ժիշտ այդպէս Թագաւորը կարող է չհաստատել այն բոլոր օրէնքները, որոնք արդէն հաւանութիւն են գտել ժողովրդի կողմից, բայց որոնք նրա նաշակին չեն համապատասխանում: Կնշանակէ ժողովրդի կամքը ամենից բարձր պէտք է լինի: Կնշանակէ օրէնքներ հաստա-

տողը պէտք է լինի ինքը աշխատաւոր ժողովուրդը, յանձնի իր ներկայացուցիչների: Ինչ որ հաստատեն ժողովրդի ներկայացուցիչները, նա էլ պէտք է օրէնք լինի: Միայն այդպիսի կարգերում, պետական իշխանութեան գլուխ իսկապէս կանգնած կլինեն ժողովրդական ներկայացուցիչները, ժողովրդի ընտրեալները: Ժողովրդի կամքը, ժողովրդի երջանկութիւնը ամենից բարձր պէտք է լինի կանգնած: Կնշանակէ օրէնսդրական իշխանութիւնը ամբողջովին պէտք է ժողովրդի ձեռքումը լինի: Եւ ոչ թէ միայն օրէնսդրականը, այլ և զործադիր ու դատաստանական իշխանութիւնը: Ժողովուրդը ինքը պէտք է կազմի օրէնքներ, հաստատի, հսկի նրանց իրազործման վրայ և պատասխանատուութեան ենթարկի այդ օրէնքը խախտողներին: Առանց դրանց անհնար է կանոնաւոր և արդարացի պետական կազմը: Աշխատաւոր ժողովուրդը միայն այն օրէնքներին պէտք է հպատակւի, որոնք ինքն է գրել և ինքն է հաստատել: Իսկ երբ այդպիսով օրէնսդրական իշխանութիւնը կանցնի ժողովրդի ձեռքն, այն ժամանակ դատարանն էլ, ոստիկանութիւնն էլ, զօրքն էլ և ամբողջ պետական իշխանութիւնն էլ կանցնի նրա ձեռքը: Ինչպիսի օրէնքներ որ կհրատարակի ժողովուրդը, այդ օրէնքներին էլ կհպատակւեն նրանք:

Կնշանակէ ժողովուրդը իր երջանկութեան համար նախ և առաջ պէտք է ձգտի իր ձեռքն առնել օրէնսդրական իշխանութիւնը: Պետութեան այդպիսի կարգերում, ոչ թէ ժողովուրդը կլինի կառավարութեան ծառան, այլ կառավարութիւնը ժողովրդի ծառան:

Դեմօկրատիկ հանրապետութիւն:

Երբ կիրականան պետական այդպիսի կարգերը, այն ժամանակ ամեն ինչ պետութեան մէջ կկատարուի միայն և միայն ժողովրդի իշխանութեամբ: Այդպիսի պետութեան գլուխ կանգնած կլինի ժողովրդական ներկայացուցիչների խորհուրդը: Այդպէս են կազմւած այժմ շատ և շատ պետութիւններ: Օրինակ, Ամերիկայում բոլոր պետութիւնները, ինչքան որ կան այնտեղ, առանց թագաւորի են և իրենք են կառավարում. Նոյնն է Ֆրանսիայում և Զւիցէրիայում: Այնտեղ, ընտրւած խորհրդի ձեռքումն է գտնուում ամբողջ իշխանութիւնը, թէ՛ օրէնսդրական, թէ՛ գործադիր, թէ՛ դատաստանական, թէ՛ զօրքը, թէ՛ օտար պետութիւնների հետ ունեցած յարաբերութիւնները, թէ՛ պատերազմ չափարարելու և թէ՛ դաշն կապելու իրաւունքը: Քանի որ այդտեղ ամբողջ իշխանութիւնը գտնուում է ժողովրդի և նրա ներկայացուցիչների ձեռքում, նշանակում է, որ թագաւորի ձեռքում այլ ևս ոչ մի իշխանութիւն չկայ: Այդ պատճառով այդ երկրներում բոլորովին թագաւոր էլ չկայ: Հասկանալի է, որ այդ բոլոր երկրներում էլ կայ պետութեան գլուխ, բայց նա ընտրովի է, և ոչ թէ ժառանգական: Նա ընտրւում է ոչ թէ մինչև մահ, այլ կարճ ժամանակով, օրինակ 4 կամ 5 տարով: Այդպէս են վարւում նրա համար, որպէսզի եթէ նա վատ դուրս գայ, ժողովուրդը կարողանայ առանց դժարութեան, օրինական ճանապարհով փոխել. ուղղակի նրան այլ ևս նորից չընտրել: Պետական այդպիսի կազմը, երբ պետական իշխանութիւնը ամբողջովին գտնուում է ժողովրդի ձեռքին, կոչւում է հանրապետութիւն: Հանրապետական կարգերում պետական ամբողջ իշխանութիւնը ամենաստորինից մինչև ամենաբարձրը, իսկապէս գտնուում է

ամբողջ ժողովրդի ձեռքում և պետութեան մէջ ժողովրդից դուրս ուրիշ տէր չկայ: Միայն այդպիսի կարգերում ոչ ոք չի կարող խանդարել աշխատաւոր ժողովրդին իր բազմը տնօրինել այնպէս, ինչպէս ինքն է հասկանում և ուզում:

Միւս պետութիւններում կան ժառանգական թագաւորներ: Մի քանի երկրներում, օրինակ Անգլիայում, նրանք առանց ժողովրդի համաձայնութեան իրաւունք չունեն ոչինչ անելու: Այդպիսի թագաւորները միայն անունով են թագաւոր: Նրանք միայն ռոնիկ են ստանում և իրենք իրենց շոյում են այդ անունով: Նրանք ոչ այնքան վնասակար են, որքան աւելորդ: Նրանք իրենք իրենց մասին ասում են՝ «մենք թագաւորում ենք, բայց ոչ թէ կառավարում»: Նրանց այդ խօսքերին աշխատաւոր ժողովուրդը պէտք է պատասխանի՝ «իմ հայրենի երկրում ես ինքս պէտք է թէ թագաւորեմ, թէ կառավարեմ. այդ փողերը ինձ են հարկաւոր, կարիք չունեմ ձեզ վրայ ծախսելու: Բոլոր պետական գործերը ես ինքս էլ յաւ կարող եմ վարել»:

Երբ ամբողջ պետական իշխանութիւնը ժողովրդի ձեռքում լինի, այն ժամանակ իսկապէս ժողովուրդը ինքը կվարի բոլոր գործերը և, պարզ է, որ կվերաշինի ամբողջ ոռոսական պետութիւնը իր կարիքների համաձայն: Այն ժամանակ նա իր վզից կթօթափի բոլոր շահագործողներին և կսանձահարի բոլոր սեփականատէրերին: Ժողովրդին հարկաւոր է ձեռք բերել պետական իշխանութիւնը, որպէսզի օրէնքների հիման վրայ վերացնի հողի, գործարանների, զաւօգների և այլոց մասնաւոր սեփականութիւնը: Երբ զոյութիւն չի ունենայ մասնաւոր սեփականութիւն, զոյութիւն չի ունենայ և ոչ մի շահագործումն: Կնշանակէ պետական իշխանութիւնը հարկաւոր է ժողովրդին ոչ թէ միայն իշխանութեան համար, այլ որպէսզի կարողանայ այդպիսով կարգաւորել ժո-

դովրդական դործերը: Պետական և հասարակական արդար կարգեր հաստատելու համար անհրաժեշտ է պետական և հասարակական ներկայ կարգերում մտցնել խոշոր, լայն և արճատական փոփոխութիւններ: Պարզ է, որ այդ փոփոխութիւնները չի կարելի միանգամից մտցնել: Իրա համար անհրաժեշտ է երկար ժամանակ, մեծ աշխատանք և կռիւ: Բայց կան փոփոխութիւններ, որոնք կարելի է մտցնել այժմ և իսկ, առանց չետաձգելու: Սօցիալիստ-լեզափոխականների կուսակցութիւնը հնարաւոր և անչետաձգելի է համարում հետևեալ փոփոխութիւնները:

**ԳՆՈՒՄ Գ.**

**ՔԱՂԱՔԱԿԱՆ ՓՈՓՈՒՄՈՒԹԻՒՆՆԵՐ**

**Ժողովրդական ներկայացուցչութիւն:**

Ռուսական պետութեան գլուխ պէտք է կանգնած լինի ոչ թէ ինքնակալ թագաւորը, այլ Պետական Իրուման:

Օրէնքներ հրատարակելու և հաստատելու իրաւունքը պէտք է պատկանի միայն Պետական Իրումային: Միայն նա պէտք է իրաւունք ունենայ հարկեր ու տուրքեր նշանակել, քննել և հաստատել պետական ելեմտից հաշիւը, որտեղ ասուում է թէ այս ինչ տարին որքան փող պէտք է հաւաքել ժողովրդից և ի՞նչի վրայ պէտք է ծախուի: Առանց Պետական Իրումայի համաձայնութեան ոչ մի հարկ, ոչ մի մաքս չպէտք է հաւաքել, ոչ մի պետական փոխառութիւն չպէտք է կատարել: Նոյնպէս առանց նրա համաձայնութեան ոչ մի

պատերազմ չպէտք է յայտարարել և ոչ մի հաշտութիւն չպէտք է կապել:

Այդ Իրուման պէտք է կազմել ամբողջ ժողովրդից, բոլոր շրջաններից և նահանգներից ընտրած ներկայացուցիչներից: Այդ ներկայացուցիչները պէտք է ընտրեն ամբողջ ժողովրդի կողմից, առանց կոչման և կարողութեան տարբերութեան, առանց սեռի, ազգի և կրօնի խտրութեան, ուղղակի, հաւասար և գաղտնի քւէարկութեամբ: Չայնի իրաւունք պէտք է ունենայ Ռուսաստանի ամեն մի քաղաքացի 20 տարեկանից բարձր: Պետական Իրումայում տեղ պէտք է ունենան բոլոր ցեղերի, և բոլոր շրջանների ու նահանգների և բոլոր կուսակցութիւնների ընտրւած ներկայացուցիչները:

**Համեմատական ընտրութիւններ:**

Միանգամայն անարդարացի կլինէր, եթէ մի որեւիցէ կուսակցութիւն Պետական Իրումայում չունենար իր ներկայացուցիչները: Քանի որ պետութեան մէջ կայ մի կուսակցութիւն, կնշանակէ որ ժողովրդի մէջ էլ գոյութիւն ունեն այն կարծիքները և շահերը, որոնց արտայայտիչն է այդ կուսակցութեան ծրագիրը: Ընդհանուր ձայնատուութեան դէպքում հեշտութեամբ կարող է պատահել, որ մի որեւէ կուսակցութեան առաջարկած մարդիկը ամեն տեղ ստանան աւելի քիչ ձայն, քան ուրիշ կուսակցութիւնների առաջարկած մարդիկ: այդ դէպքում ի հարկէ այդ մարդիկ չեն կարողանայ դնալ Իրումա: Իա անարդարութիւն է: Կնշանակէ հարկաւոր է այնպէս կազմակերպել ընտրութիւնները, որ Պետական Իրումայի անդամ կարողանան լինել բոլոր կուսակցութիւնների ներկայացուցիչները և որպէսզի այն կու-

սակցութիւնն աւելի շատ ներկայացուցիչներ ունենայ, որը աւելի ուժեղ, աւելի տարածած և աւելի բազմամարդ է: Այդ պատճառով Դանիայում և Սերբիայում ընդհանուր, հաւասար, ուղղակի և գաղտնի ձայնատուութիւնը կազմակերպւած է այսպէս՝ ընդունենք թէ ամեն մի հազար մարդուց պէտք է ընտրել 10 ներկայացուցիչ: Այդ հազար մարդուց ենթադրենք, օրինակի համար, թէ 500 մարդ՝ պատկանում է մի կուսակցութեան, 300 մարդ՝ երկրորդ կուսակցութեան և 200 մարդ երրորդ կուսակցութեան: Ամեն մի հարիւր ընտրողին ընկնում է մէկ ներկայացուցիչ: Կնշանակէ առաջին կուսակցութիւնը պէտք է ուղարկի Դումա 5 ներկայացուցիչ, երկրորդը — 3, երրորդը — 2: Դա կոչուած է համեմատական ներկայացուցչութիւն: Առանց այդ համեմատական ներկայացուցչութեան երրորդ կուսակցութիւնը չէր կարողանայ Դումա ուղարկել և ոչ մի ներկայացուցիչ, որովհետև նրա ձայները կխեղդւէին առաջին երկու կուսակցութիւնների ձայներով: Կնշանակէ համեմատական ներկայացուցչութիւնը անհրաժեշտ է, երպէսզի իրենց հայրենիքի պետական կեանքում կարողանան մասնակցել զանազան շահերի, կարծիքների և ուղղութիւնների մարդիկ: Միայն այդպիսի կարգերում ժողովրդական ներկայացուցչութիւնը կարող է լինել իսկապէս համաժողովրդական: Այդ պատճառով զրան էլ պէտք է ձգտի աշխատաւոր ժողովուրդը:

**Բեֆերէնդում.**

Առանձին կարևոր դէպքերում Պետական Դուման պէտք է հարցնէ ամբողջ ժողովրդին, թէ ի՞նչ կերպ վճռի այս կամ այն հարցը. Դուման պէտք է հարցնի բոլոր ժողովրդին, թէ

արդեօք ժողովուրդը ուզում է թէ չէ ուզում այս կամ այն օրէնքը: Դա կոչուած է բեֆերէնդում: Բեֆերէնդումի դէպքում ժողովուրդը թերթիկների միջոցով քւէարկում է այս կամ այն վճիռը:

**Օրէնսդրական նախաձեռնութիւն.**

Բեֆերէնդումից զուրս ժողովուրդը պէտք է իրաւունք ունենայ նաև անմիջապէս յայտնել Դումային իր կարիքները և պահանջել նոր օրէնքներ, որոնք կարող են բաւարարութիւն տալ ժողովրդի այս կամ այն կարիքին: Ուրիշ խօսքով ասած, առանձին շրջանները, նահանգները, կուսակցութիւնները, միութիւնները, միւսև անգամ խմբակները և առանձին անհատները իրաւունք պէտք է ունենան յայտարարութիւն տալ Պետական Դումային նոր օրէնքների անհրաժեշտութեան մասին: Դա էլ կոչուած է օրէնսդրական նախաձեռնութիւն: Այդպիսի նախաձեռնութիւնը և բեֆերէնդումը կոչուած են անմիջական ժողովրդական օրէնսդրութիւն: Աշխատաւոր ժողովրդի շահերի տեսակէտից անհրաժեշտ է այդպիսի օրէնսդրութիւնը Դումայի ամեն տեսակ սխալների առաջն առնելու համար:

**Տեղական ինքնավարութիւն:**

Ռուսական պետութեան բոլոր նահանգներում, շրջաններում, գաւառներում և գիւղական հասարակութիւններում իր բոլոր հասարակական գործերը պէտք է վարի ինքը ժողովուրդը և ոչ թէ ոստիկանութիւնը, նահանգապետը կամ



զեներալ-նահանգապետը: Ամբողջ ժողովուրդը ինքը պէտք է կառավարի իրեն և ոչ թէ վերեւից նշանակւած իշխանութիւնը: Ոչ ոք իրաւունք չ'պէտք է ունենայ որևէ իշխանութիւն նշանակել աշխատաւոր ժողովրդի զլխին առանց նրա զիտութեան, համաձայնութեան և ցանկութեան: Բոլոր իշխանութիւնները պէտք է լինեն բնտրովի այն էլ բնդհանուր, հաւասար, ուղղակի և զազանի ձայնատուութեամբ: Ուրիշ խօսքով ասած, ամբողջ Ռուսաստանում կազեծնի կառավարութեան փոխարէն պէտք է լինի ժողովրդական ինքնավարութիւն: Բոլոր քաղաքներում պէտք է մտցնել քաղաքացիին ինքնավարութիւն, իսկ նահանգներում — զեմստօյցին ինքնավարութիւն: Բայց զեմստօյցին գործերը պէտք է վարեն ամբողջ տեղական ազգաբնակչութեան ներկայացուցիչները և ոչ թէ միայն հարուստների, կալւածատէրերի և վաճառականների ներկայացուցիչները: Քաղաքացիին զուժաները և զեմստօյցին ներկայացուցիչները պէտք է բնտրեն ժողովրդից բնդհանուր, հաւասար, ուղղակի և զազանի ձայնատուութեամբ, նոյնպէս և առանց կարողութեան, սեռի, ազգի և կրօնի խտրութեան: Այդպիսի ինքնավարութիւն պէտք է մտցնել, ոչ թէ միայն նահանգներում և զաւառներում, այլ և զիւղերում: Աշխատաւոր ժողովրդի ձեռքում պէտք է գտնւեն բոլոր տեղական հասարակական գործերը: Ոչ մի իշխանութիւն չպէտք է խառնել ժողովրդի թէ անտեսական և թէ քաղաքական գործերում: Տեղական օստիկանութիւնը պէտք է հպատակել կանոնաւոր կազմակերպւած քաղաքացիին զուժաներին և զեմստօյցներին, և միայն նրանց: Այդպիսի զուժաները և զեմստօյցները պէտք է իրաւունք ունենան կազմել և հաստատել իրենց տեղի համար առանձին օրէնքներ միայն այն պայմանով, որ այդ տեղական օրէնքները պիտի չհանգիստանան և չվնասեն այլ տեղերին և ամբողջ

պետութեան: Առանձին քաղաքները և զեմստօյցները պէտք է իրաւունք ունենան իրար մէջ, քաղաքների և զեմստօյցների միութիւններ, հաստատել:

Աւտօնօմիա և Ֆեդերացիա:

Ռուսական պետութեան առանձին շրջանները ինչպէս, օրինակ, Լեհաստանը, Կովկասը և միւսները պէտք է ունենան նոյնպիսի ինքնուրոյն պետական կազմ, ինչպիսին ունի այժմ Ֆինլանդիան — ուրիշ խօսքով ասած պէտք է ստանան ավտօնօմիա, եթէ ի հարկէ զա կուզեն այդ երկրների աշխատաւոր ժողովուրդը: Բոլոր այդպիսի ավտօնօմ, այսինքն, ինքնուրոյն շրջանները, պէտք է կազմեն մի բնդհանուր միութիւն առանց պետական ամբողջութեան և միութեան վնասելու: Աւտօնօմ շրջանները, որոնք կմտնեն ռուսական պետութեան մէջ պէտք է ուղարկեն իրենց ներկայացուցիչներին համառուսական Պետական Դուման, որպէս բնդհանուր պետական ներկայացուցչական հիմնարկութիւն: Պետութեան այդպիսի կազմը կուզուի և Ֆեդերատիւ լատինական «Ֆեդուս» խօսքից, որը նշանակում է միութիւն: Ամեն մի ազգ, ամեն մի շրջան որը կմտնի ռուսական պետութեան կազմի մէջ պէտք է իրաւունք ունենայ կառավարելու միանգամայն ինքնորոյն, իր շրջանային սեյմով ուրիշ խօսքով ասած տեղական Պետական Դումայով: Իւրաքանչիւր շրջանին պէտք տրւի ինքնորոշման լիակատար իրաւունք: Դա նշանակում է իրաւունք ունենալ վարելու իր սեփական հասարակական և պետական գործերը այնպէս, ինչպէս ինքն է ուզում, առանց կենդրոնական կառավարութեան որևէ բռնութեան և սպառնալիքների, նաև իրաւունք պէտք է ունենայ օրէնքներ մշակելու, հաստատելու, հարկեր նշանակելու և այլն:

ժողովրդական միլիցիա.

Ներկայումս զօրքը ժողովրդական հարստահարութեան մի գործիք է: Նա ամբողջովին դանուծ է ժողովրդական շահագործողների արամադրութեան տակ, որոնք ուղարկուծ են զինւորներին աշխատաւոր ժողովրդի, զիւղացիների և բանւորների դէմ, պաշտպանելու կալաժատէրերին և գործարանատէրերին: Բայց դա զեռ բոլորը չէ՝ մինչև անգամ այն պատերազմները, որոնք մղուծ են զօրքի միջոցով ձեւընտու են միայն ժողովրդական շահագործողներին: Այսպէս օրինակ. չինական պատերազմը ձեւընտու էր միայն վաճառականներին. իսկ ճապոնական պատերազմը ծագէ; միայն նրա համար որ Կօրեայում և Նալու զեռի վրայ մեծ իշխանները և թագաւորի խորհրդատուները (Բայաշև, Բեգօբրադով, և ադմիրալ Ալեկսէև) յափշտակել էին ահագին անտառներ: Դա չպէտք է լինի այլ ես: Զօրքը, զինւորները— միևնոյն աշխատաւոր ժողովուրդն է: Իսկ ժողովրդին աւելի մօտ են իր սեփական, քան վաճառականական, շահերը:

Կնշանակէ զօրքը ամբողջովին պէտք է դանւի ժողովրդի ձեւընտու: Դրա համար հարկաւոր է, որ զօրքը բաժանուած չլինի ժողովրդից և որ ամբողջ ժողովուրդը, երբ անհրաժեշտ կլինի, դառնայ զօրք, իսկ զօրքը երբէք չգաղարի ժողովուրդ լինելուց: Հարկաւոր է որ զինւորները ծառայեն և սովորեն զինւորական գործը հէնց իրենց նահանգում մինչև անգամ դաւառում և ոչ թէ իր ծննդավայրից հարիւրաւոր և հազարաւոր վերստեր հեռու: Այժմ կառավարութիւնը դիտմամբ ուղարկում է զինւորներին իրենց ծննդավայրից հեռու, որպէսզի երբ հարկաւոր և ձեւընտու լինի կառավարութեան, կալաժատէրերին և գործարանատէրերին, նրանք

առանց վախենալու և ամաչելու զնդակահարեն իրենց հարազատ ժողովրդին: Ներկայումս այսպէս է լինում՝ Երևանցի զինւորները զնդակահար են անում օրինակ, Սարատովցիներին, իսկ Սարատովցի զինւորները՝ Երևանցիներին, Երևանցիները աւերում են Սարատովցիներին, իսկ Սարատովցիները Երևանցիներին: Իսկ ժողովրդի թշնամիները նայում են և ուշախանում: Մշտական զօրքը հարկաւոր է փոխարինել մշտական ժողովրդական միլիցիայով, որպէսզի բոլոր քաղաքացիները լինեն զինւորներ, իսկ զինւորները չգաղարեն քաղաքացիներ լինելուց, որպէսզի բոլորը պարապեն զինավարժութեամբ և զէնքի կանչեն միայն ծայրահեղ դէպքում, այն էլ ժողովրդական ներկայացուցիչների կարգադրութեամբ: Միայն այդ ժամանակ, զօրքը չի լինի իր հարազատ ժողովրդի հարստահարութեան գործիք: Բայց ո՞րքան լաւ է ժողովրդական միլիցիան: Արդեօք դա վտանգաւոր չէ պետութեան համար: Ի հարկէ չէ: Դրան ապացոյց շատ երկրների օրինակը: Ամերիկայում զոյութիւն չունի մշտական զօրք, կայ միայն ժողովրդական միլիցիա: Իսպանիայում զոյութիւն ունի մշտական զօրք: Մօտ ժամանակներումս պատերազմ ծագեց Ամերիկայի և Իսպանիայի մէջ, և ի՞նչ էք կարծում ո՞վ յաղթեց: Մովի վրայ էլ, ցամաքի վրայ էլ ամերիկական միլիցիան շարդեց Իսպանական զօրքին: Բօկրները— երկրորդ օրինակ: Չնայելով որ Անգլիան այնքան ուժեղ է, այնուամենայնիւ նա ահագին շանքերով միայն կարողացաւ յաղթել նրանց: Որքան աւելի դժւար է պատերազմել ժողովրդի հետ քան թէ զինւորների հետ, որովհետև զինւորները կոււում են ուրիշի հրամանով, իսկ երբ ժողովուրդն է կոււում, նա դիտէ թէ ո՞ւր և ի՞նչի համար է գնում:

Բայց աշխատաւոր ժողովրդի երջանկութեան համար, բաւական չէ փոփոխութիւններ մտցնել միայն պետական գա-

նագան հաստատութիւններում: Անհրաժեշտ է նոյնպէս ամենախիստ և ամենաարդարացի միջոցներ ձեռք առնել նաև որ ժողովրդին չկարողանան վնասել նաև դանազան պաշտօնեաները: Իրա համար անհրաժեշտ է, որ նրանք բոլորն էլ նրանց թուում և դատաւորները, լինեն ընտրւած ժողովրդից, և ժողովուրդն էլ իրաւունք ունենայ նրանց փոխելու, իսկ հարկաւոր դէպքում նաև ենթարկել դատաստանական պատասխանատուութեան առանց նախապէս իշխանութիւնից թույլտուութիւն ստանալու: Դատաւարութիւնը պէտք է լինի բոլորի համար ձրի և այնպիսի հիմքերի վրայ դրւած, որ նա իսկապէս ծառայի արդարութեան և ճշմարտութեան: Իրա համար նա նախ և առաջ պէտք է անկախ լինի ոչ միայն կառավարութիւնից այլ և տեղական ազգաբնակչութիւնից: Երկրորդ—անհրաժեշտ է նոյնպէս որ յանցաւորներին դատեն ոչ թէ միայն պետական դատաւորները, այլ որպէսզի նրանց կողքին նստած լինեն և ժողովրդի ներկայացուցիչները, ժողովրդի ընտրած երդւեալ ատենականները: Դատարանը ամենայն ուշադրութեամբ պէտք է պաշտպանի բոլոր քաղաքացիներին իրաւունքները:

**Քաղաքացիական ազատութիւններ:**

Բոլոր քաղաքացիներին, առանց բացառութեան, պէտք է տրւեն լիովին հետեալ իրաւունքները:

1. Խղճի ազատութիւն. Դա նշանակում է, իրաւունք տալ ամեն մէկին դաւանելու և քարոզելու այն կրօնը, որը ուզում է, առանց վախենալու, որ դրա համար նա կենթարկւի հալածանքների, նշումների—իրաւունք ունենայ ազատ կերպով մի կրօնից անցնել միւսին և իր երեխաներին կրթել

այն ոգւով, ինչ ոգւով ուզում է, լսելով միայն իր սեփական խղճի ձայնին և ոչ թէ այս կամ այն իշխանութեան հրամանին: Այդպիսի լուրջ դործում, մարդու միակ և առաջին դատաւորը—իր սեփական խիղճն է:

2. Խօսքի և մամուլի ազատութիւն. Դա նշանակում է իրաւունք տալ ամեն մէկին ասելու և տպելու այն ամենը, ինչ ուզում է, միայն այն պայմանով, որ ասածի և տպածի համար պատասխանատու է լինի երդւեալ դատաւորների առաջ: Միայն այն ժամանակ, երբ կլինի խօսքի և մամուլի ազատութիւն, միայն այդ ժամանակ հնարաւոր կլինի մերկացնել ժողովրդի բոլոր շահագործողներին: Միայն խօսքի և մամուլի ազատութեան դէպքում կարելի կլինի լսելի դարձնել ժողովրդի հասարակական կարծիքի ձայնը, որովհետև այդ դէպքում ամեն մէկը իրաւունք ունի ասելու գրելու և տպելու այն, ինչ ուզում է:

3. Ժողովների, միտինգների ազատութիւն: Դա նշանակում է իրաւունք ունենալ ազատ կերպով հաւաքւել քննութեան առնելու զանազան հասարակական և պետական հարցեր:

4. Միութիւնների ազատութիւն: Դա նշանակում է իրաւունք տալ բոլոր քաղաքացիներին միանգամայն ազատ կերպով միութիւններ կազմել իրենց շահերի պաշտպանութեան և փոխադարձ օգնութեան համար. նաև միացեալ ոչ ժերով պաշտպանելու իրենց իրաւունքները ինչպէս ժողովրդական շահագործողներից նոյնպէս և պետական իշխանութիւնից:

5. Գործադուլների ազատութիւն: Դա անհրաժեշտ է աշխատաւոր ժողովրդին, որպէսզի նրանց միջոցով նա կարողանայ ձեռք բերել իր իրաւունքները և պաշտպանել իր շահերը ժողովրդական շահագործողներից, որոնք օգտւելով իրենց սեփականատիրական իրաւունքներից օրինական և ա-

նօրէն ճանապարհներով ճնշուծ և հարստահարուծ են իրենց բանւորներին:

6. Անձի և բնակարանի անձեռնմխելիութիւն: Դա նշանակուծ է, որ ոչ մի քաղաքացի չի կարող առանց դատարանի և քննութեան բանտարկել, արսորել և ընդհանրապէս զրկել իր որևէ քաղաքացիական իրաւունքից: Ոչ մի իշխանութիւն իրաւունք չպէտք է ունենայ ներս խուժելու մասնաւոր բնակարան և խուզարկութիւն կատարել առանց դատաստանական իշխանութեան կարգադրութեան, եթէ միայն ի հարկէ դատարանը անկախ, անաչառ է: Անցադրեր բոլորովին չպէտք է լինեն, որովհետև նրանք խանգարուծ են աշխատաւոր ժողովրդին տեղափոխել մի տեղից միւսը: Պէտք է միանգամայն վերացնել նաև ժանդարմական վարչութիւնը և դադանի ոստիկանութիւնը, ինչպէս և մատնիչներին, պրօփօկատօրներին, ուրիազնիկներին, ստրաժնիկներին, և զեմսկիչ նաչայնիկներին: Ոչ մի զօրք չպէտք է ուղարկել ժողովրդի դէմ: Ոչ մի իշխանութիւն իրաւունք չպէտք է ունենայ գաղտագողի կերպով կարգադրու ուրիշի նամակները, ինչպէս այդ տեղի ունի այժմ Ռուսաստանում: Բոլորովին պիտի վերացնել ուժեղացրած պահպանութիւնը և զինւորական դրութիւնը: Միանգամայն ընդ միշտ պէտք է վերացնել մահաւան պատիժը:

Բոլոր քաղաքացիների հաւասարութիւնը և դասերի վերացումը:

Ընդհանրապէս ժողովրդին անհրաժեշտ է լիակատար և ընդհանուր քաղաքացիական հաւասարութիւն: Դա նշանակուծ է, որ Ռուսաստանի բոլոր քաղաքացիները պէտք է

օգուտեն միեւնոյն իրաւունքներով և բոլորը պէտք է հաւասար լինեն օրէնքի առաջ: Այլբաւաներն էլ, հարուստներն էլ պէտք է ունենան միանգամայն միատեսակ իրաւունքներ: Օրէնքով, աղնւականները ոչ մի առաւելութիւններ չպէտք է ունենան զիւղացիների հետ համեմատած: Գիւղացիների իրաւունքները պէտք է հաւասարնցնեն բոլոր քաղաքացիների իրաւունքների հետ: Կնշանակէ պետութեան մէջ ոչ մի տեսակ դասեր չպէտք է լինեն: Մինչդեռ Ռուսաստանի ներկայ կարգերում մի դասի մարդիկ աւելի մեծ իրաւունքներ ունեն, քան միւս դասի մարդիկ: Բոլորը պէտք է լինեն քաղաքացիներ, և ոչ թէ աղնւականներ, մէլչաններ, զիւղացիներ և այլն և այլն:

Եկեղեցու անշատումը պետութիւնից:

Եկեղեցին պէտք է բաժանուի պետութիւնից: Դա նշանակուծ է, որ հոգեւոր իշխանութիւնը երբէք և ոչ մի տեղ չպէտք է խառնուի աշխարհական, պետական և հասարակական գործերում, իսկ պետական իշխանութիւնը չպէտք է խառնուի հոգեւոր գործերում: Բոլոր դաւանանքի մարդիկ, առանց բացառութեան, պետութեան մէջ պէտք է միատեսակ իրաւունքներ ունենան: Կառավարութիւնը չպէտք է հովանաւորի մէկ դաւանանքի մարդկանց և չպէտք է ճնշի միւս դաւանանքի մարդկանց, որովհետև դաւանանքը, կրօնը խղճի գործ է, իսկ խիղճը—ամեն մէկ մարդու սեփական գործն է, ինչպէս ասացինք վերեւում: Ոստիկանութիւնը չպէտք է օգնի քահանաներին պաշտպանելու և պահպանելու ուղղափառ կրօնը, որովհետև ոստիկանական բռնուցքով ոչ մի կրօն չես կարող պաշտպանել, այլ աւելի շուտ կառատաւորես: Քահանաները բեմից չպէտք է քարոզեն այն, ինչ հրա-

մայում է նրանց քարոզել կառավարութիւնը: Չէ՞ որ կառավարութիւնը երբեմն կարող է հրամայել այնպիսի բան քարոզել, որը ուղղակի կրօնին դէմ է: Հոգևոր իշխանութիւնը կառավարութեան հրամանների հետ ոչ մի գործ չպէտք է ունենայ: Կրօնը ամեն ճարգու մասնաւոր գործը պէտք է լինի: Ամեն ճարգու համար իր սեփական խղճի գործն է ինչ կրօն դաւանել, կամ որ եկեղեցուն պատկանել, հաւատացող լինել կամ բոլորովին ոչ հաւատացեալ և ոչ մի եկեղեցու էլ չպատկանել:

Ընդհանուր, պարտադիր և ձրի սկզբնական կրթութիւն և մայրենի լեզուն դպրոցներում:

Կառավարութիւնը ամեն կերպ պէտք է հոգայ ամբողջ ժողովրդի կրթութեան մասին և ամենից շատ աղքատ ժողովրդի կրթութեան. Ռուսաստանի բոլոր քաղաքացիների որչիքը անպայման պէտք է զրադէտ լինեն: Կնշանակէ պետութեան հաշիւն պէտք է բաց անել այնքան դպրոցներ, որքան հարկաւոր է բոլոր երեխաների համար: Անհրաժեշտ է սկզբնական կրթութիւնը դարձնել պարտադիր: Դա հարկաւոր է նրա համար, որ որքան կարելի է շուտ ամբողջ ժողովուրդը զրադէտ դառնայ: Եթէ ժողովրդի մի մասին չբաւորութիւնը թույլ չի տալի իրենց որդիներին դպրոց ուղարկել, կառավարութիւնը օգնութեան պէտք է գայ և իր գանձարանից նպաստ տայ նրանց երեխաների կրթութեան համար: Դպրոցներում երեխաների կրթութիւնը պէտք է զտնւի աշխարհական ուսուցիչների և ոչ թէ հոգևորականութեան ձեռքում: Դա հարկաւոր է նրա համար, որպէսզի դպրոցների միջոցով հոգևորականութիւնը չխառնուի աշխարհիկ պետա-

կան դործերում և երեխաների վրովը չփաթաթի այս կամ այն դաւանանքը, կրօնը, որովհետեւ երեխաները դեռ ևս անկարող են հասկանալ այդ կրօնները, ինչպէս հարկն է: Երբ երեխաները կմեծանան, այն ժամանակ նրանք իրենք կընտրեն իրենց համար որեւէ կրօն, որի համար և պատասխանատու կլինեն իրենց խղճի առաջ:

Բայց միայն տարրական դպրոցները բաւական չեն ժողովրդական կրթութեան համար: Անհրաժեշտ է հիմնել նաև միջնակարգ և բարձրագոյն դպրոցներ, ինչպէս են՝ զիմնադիւաներ, համալսարաններ և այլն, որտեղ հնարաւորութիւն ունենային կրթութիւն ստանալ բոլոր ցանկացողները:

Կրթութեան ճանապարհը պէտք է բաց լինի հաւատարմապէս բոլորի համար — թէ հարուստների և թէ աղքատների համար: Ուրիշ խօսքով ասած՝ կրթութիւնը բոլորի համար պէտք է հաւասար լինի: Հասկանալի է, որ նա պէտք է լինի միանգամայն ձրի: Դպրոցները պէտք է պահեն կառավարութեան հաշուով: Բոլոր աղքատ աշակերտներին կառավարութիւնը պէտք է ցօյց տայ ամեն տեսակ աջակցութիւն: Դպրոցներում դասաւանդութիւնը պէտք է վարւի այն լեզուով, ինչ լեզուով խօսում է տեղական ժողովուրդը: Իսկ եթէ ազգաբնակչութիւնը խառն է, այդ դէպքում բոլոր ազգաբնակչութիւնների համար էլ պէտք է լինեն առանձին դպրոցներ: Անարդարութիւն է երեխաներին ուժով սովորեցնել ուսաց լեզու՝ նրանց ծնողների կամքին հակառակ: Թող ուսերէն սովորի նա, ով ուզում է:

ԳԼՈՒԽ Գ.

ԲԱՆԼՈՐԱԿԱՆ ՕՐԷՆՍԻՐՈՒԹԻՒՆ:

Ութժամեայ բանւորական օր:

Բոլոր այդ փոփոխութիւնները մի նպատակի պէտք է ուղղուած լինեն — այն է պահպանել բանւոր մարդու հոգեւոր և ֆիզիքական ուժերը և ապահովել լաւ աշխատավարձ՝ մարդկային ոյժի համեմատաբար մեծ խնայողութեամբ: Իսկ դրա համար օրէնքը պէտք է աշխատաւոր ժողովրդի — թէ գիւղացիների և թէ բանւորների — պաշտպան հանդիսանայ: Օրէնքով պէտք է արգելի գործարաններում, դաւոզներում, արհեստանոցներում և այլն աշխատեցնել բանւորին 8 ժամից աւելի: Միանգամայն պէտք է արգելի *сверхурочный* աշխատանքը: Մի քանի վնասակար արտադրութիւններում (օրինակ լուծկիների և այլն) բանւորական օրը աւելի պէտք է պակաս լինի:

Նօրմալ աշխատավարձ:

Այժմ միայն գործարանատէրին է վերաբերում, թէ որքան պէտք է ստանայ բանւորը իր աշխատանքի համար, այսինքն որքան մեծ պէտք է լինի նրա աշխատավարձը: Թէ գործարանատէրերը, թէ գաւօղջիկները, թէ միւս բոլոր ձեռնարկողները իրենք իրենց իշխանութեամբ և ինքնակամ որոշում են բանւորների աշխատավարձը: Դա անարդարութիւն է: Աշխատավարձը պէտք է որոշեն և նշանակեն ձեռնար-

կողները բանւորների հետ միասին, որոնք պէտք է դրա համար ուղարկեն իրենց առանձին ներկայացուցիչներին, օրինակ բանւորական միութիւնների ներկայացուցիչներին: Բանւորական միութիւնները չեն կարող չգիտենալ թէ այս ինչ տեղում աշխատավարձը ինչ բարձրութեան վրայ է կանգնած: Բանւորական ներկայացուցիչները, բոլոր, բանւորական միութեան մէջ կազմակերպուած, բանւորների անունից, սակարդութեան մէջ են մտնում ձեռնարկողների հետ: Ձեռնարկողները ուղեն չուղեն, պէտք է ընդունեն բանւորական ներկայացուցիչներին, որոնց շնորհիւ նրանք այլևս չեն կարողանայ այնպէս հարստահարել բանւոր մարդուն, ինչպէս այժմ: Բանւորների և ձեռնարկողների մէջ իբրև միջնորդ՝ կարող են լինել տեղական քաղաքային կամ զեմստօյական հաստատութիւնների ներկայացուցիչները: Ինչպէս արդէն ասացինք, այդ հաստատութիւնները պէտք է այնպէս վերակազմել, որ նրանց մէջ առաջին ծայրը պատկանի աշխատաւոր ժողովրդին և ոչ թէ ժողովրդական շահագործողներին:

Պետական ապահովագրութիւն:

Հիւանդութեան, ծերութեան և ընդհանրապէս երբ բանւորը անընդունակ է դառնում աշխատանքի, ժամանակաւորապէս թէ ընդմիշտ, նա պէտք է ապահովուած լինի: Դրա համար պէտք է մտցնել բանւորների պետական ապահովագրութիւն: Ինչպէս որ աները ապահովագրում են հրդէհից, ճիշտ այնպէս էլ ամեն մի բանւոր պէտք է ապահովագրուած լինի ամեն տեսակ դժբախտութիւններից և պատահականութիւններից և մինչև անգամ մահւան դէպքերից: Կրակից ապահովագրութիւնը կազմակերպուած է այսպէս. ապահովա-

զրւած կալւածքի իւրաքանչիւր սեփականատէր ամեն տարի մտցնում է ապահովագրական վճառներ, որոնք և կազմում են առանձին ապահովագրական դրամադուլս: Ամեն մի ապահովագրող վճառում է ընդամենը հազարից մի քանի բուրջի, նալած թէ ինչքան է զնահատուած կալւածքը: Եթէ հրդէհ պատահի, այն ժամանակ այլուած կալւածքի տէրը ստանում է իր կալւածքի զինք ամբողջովին: Բոլոր ապահովագրած կալւածները հօ միաժամանակ չեն այլուում: մէկը այլուում է՝ հազարաւորները կանգուն են: Այդ պատճառով էլ հրդէհից առաջացած վնասները միշտ կարելի է լինում ծածկել ապահովագրական դրամադուլսից: Կնշանակէ դուրս է գալի որ ապահովագրողների մի մասը ծածկում են միւսների վնասները: Նոյն կերպ կազմակերպւում են նաև հիւանդութեան, ծերութեան և դժբախտ պատահարների ապահովագրութիւնները: Պէտք է մտցնել նաև ամբողջ աշխատաւոր ժողովրդի ապահովագրութիւնը, որը առանձնապէս անհրաժեշտ է աշխատաւորների համար: Նրանք երբեմն մեռնում են, երեխաներին թողնելով առանց մի կտոր հացի: Գործարանական և այլ բանւորների համար առանձին կարևորութիւն ունի անաշխատութիւնից ապահովագրութիւնը: Այդ գէպքում, երբ բանւորը իրենից անկախ պատճառներով զրկւած է աշխատանքից, նա ստանում է որոշ նպաստ: Աշխատաւոր ժողովրդի ամեն տեսակ ապահովագրութիւնները իրենց վրայ պէտք է վերցնեն խաղէչիները և կազման, այսինքն պետական իշխանութիւնը: Նրանք պէտք է իրենց եկամտից մտցնեն ապահովագրական վճառներ ամեն մի բանւորի համար: Ձէ որ նրանց այդ բոլոր եկամուտները ստացւում են աշխատաւոր ժողովրդից: Պէտք է մտցնել պետական ապահովագրութիւն դժբախտ գէպքերից, անաշխատութիւնից, հիւանդութիւնից,

ծերութիւնից և այլն: Ապահովագրութեան գործը պէտք է վարեն և փողերը բաժանեն ոչ թէ չինովնիկները, այլ բանւորական ներկայացուցիչները:

Ընտրովի ինսպեկցիա և աշխատանքի պաշտպանութիւն:

Բայց միայն ապահովագրութիւնը զեռ բաւական չէ: Աշխատաւոր ժողովրդին, ժողովրդական շահագործողների ամեն տեսակ ճնշումներից և հարստահարութիւնից պաշտպանելու համար հարկաւոր են շատ ու շատ ուրիշ օրէնքներ: Այդ օրէնքները անհրաժեշտ են արտադրութեան բոլոր ճիւղերի, առևտրի և ընդհանրապէս ամեն տեսակ աշխատանքի համար: Օրինակ՝ այժմ գործարանները այնքան վատ են շինում, որ բանւորների համար վնասակար և վտանգաւոր է աշխատել նրանց մէջ: Այդ պատճառով հարկաւոր է այնպիսի մի օրէնք հրատարակել, որը արգելէր գործարանատէրերին այնպէս շինել գործարանները, որ նրանցում աշխատելը վնասակար լինէր: Այն բնակարաններն էլ, որոնք տրւում են բանւորներին խաղէչների կողմից, նոյնպէս պէտք է շինւած լինեն առողջապահական պայմանների համաձայն: Բայց շատ անգամ լաւ օրէնքները բոլորովին չեն էլ իրականացնում: Իրա համար պէտք է լինեն մարդիկ, որոնք հետևեն գործարանական օրէնքների իրականացման: Այդ մարդիկ ոչ թէ պէտք է լինեն չինովնիկներ, այլ բանւորների կողմից ընտրւած ինսպեկտորներ:

Երեխաների և կանանց աշխատանքի կանոնաւորումն:

Որպէսզի երեխաները ընդմիշտ չկորցնեն իրենց առողջութիւնը և իր ժամանակին կարողանան սովորել դպրոցներում, հարկաւոր է որ միանգամայն արդելւի մինչև 16 տարեկան հասակը փոքր երեխաներին գործարաններում աշխատել: Եթէ այդպիսի երեխաների ծնողները այնքան աղքատ են, որ կարիք ունեն իրենց երեխաների աշխատանքի—այդպիսիներին կազման պէտք է նպաստ տալ, ինչպէս արդէն վերը ասացինք: Ընդհանրապէս անչափահասներին պէտք է զգուշութեամբ աշխատանքի դնել: Նոյնպէս և կանանց: Մի քանի վտանգաւոր արտադրութիւններում, միանգամայն պէտք է արգելի երեխաների և կանանց աշխատանքը: Ամեն շաբաթ իւրաքանչիւր մի բանւոր պէտք է ունենայ հանգստութեան ժամեր, իսկ չլի կանայք միանգամայն ազատեն աշխատանքից, բայց անպայման առանց ոտնիկը կտրելու:

Ամեն մի գործարանի բանւորները պէտք է մասնակցութիւն ունենան գործարանական բոլոր գործերում: Գործարանատիրոջ հետ միասին նրանք պէտք է մշակեն վարձի, գնահատութեան, ներքին կարգապահութեան և այլն կանոնները: Մի խօսքով, բոլոր բանւորները պէտք է լինեն ոչ թէ խաղէչնի նորտերը, այլ հաւասար իրաւունքներով օգտւող մարդիկ: Նրանք միշտ և ամեն տեղ պէտք է պաշտպանեն իրենց շահերը: Աշխատաւոր ժողովուրդը պէտք է իրաւունք ունենայ պաշտպանելու իր շահերը: Նա պէտք է լինի իր շահերի գործունեայ, անվախ և խիզախ պաշտպանը և ահա թէ ինչու: - Աշխատաւոր ժողովուրդը կազմում է ազգաբնակչութեան մեծամասնութիւնը: Կնշանակէ նրա շահերը նոյնն են, ինչ որ ընդհանուր պետական շահերը: Կնշանակէ աշխատաւոր ժողովրդի շահերի մասին հոգալ— դա նոյնն է թէ

ընդհանուր պետական շահերի մասին հոգալ: Այն բոլոր փոփոխութիւնները, որոնք պէտք է մտցնել գործարաններում, գաւօղներում և ուրիշ արդիւնաբերական ինչպէս և առետրական ձեռնարկութիւնների մէջ, պէտք է ուղղւած լինեն մէկ նպատակի, այն է, որքան կարելի է սանձահարել խաղէչնի և բոլոր շահագործողների իշխանութիւնը, և աստիճանաբար պատրաստել մի այնպիսի դրութիւն, երբ բոլոր գործարանները և գաւօղները կդառնան համաժողովրդական սեփականութիւն:

ԳՈՒՌՍ Ե.

ԺՈՂՈՎՐԴԱԿԱՆ - ՏՆՏԵՍՈՒԹԵԱՆ ՄԷՋ ՄՏՑՆԻԵԼԻՔ ՓՈՓՈԽՈՒԹԻՒՆՆԵՐԸ:

Հոգային կարգերի մէջ մտցնելիք փոփոխութիւնները:

Միևնույն նպատակի պէտք է ծառայեն այն բոլոր փոփոխութիւնները, որոնք անհրաժեշտ են ուսնչպար-զիւղացիներին: Ինչպէս արդէն ասել ենք, անմիջապէս պէտք է մըտցնել հողի սօցիալիզացիան, ուրիշ խօսքով ասած, ամբողջ հողը պէտք է չափադարձի հասարակական սեփականութիւն, և տրւի, նրանից շահւելու համար, այն բոլոր զիւղացիներին, որոնք ուզում են իրենց ձեռքերով մշակել: Հողի սօցիալիզացիան առանձնապէս հեշտանում է նրանով, որ զիւղացիները իրենք են զբաղվում: Իրենք զիւղացիները վաղուց արդէն հասկանում են, որ հողից պէտք է օգտւի միայն նա,



ով իր ձեռքերով է մշակում: Սօցիալիստ-չեղափոխականների կուսակցութիւնը միայն ուղղում է բաւարարութիւն տալ զիւզացիների այդ ցանկութեան և ծղտուծներին: Նա պահանջում է, որ բոլոր մասնաւոր սեփականատիրական հողերը խլեն մասնաւոր ձեռքերից և վերածեն հասարակական սեփականութեան և զնեն տեղական համայնքների տրամադրութեան տակ: Իսկ պէտք է տեղի ունենայ հաւասարիչ հողաշահութեան սկզբունքի հիման վրայ: Ուրիշ խօսքով ասած, այնպէս պէտք է անել, որ երկրագործ գիւղացիները ստանան հողաշահութեան համար այնքան հող, որքան կարող են նրանք իրենց ընտանիքով մշակել, առանձ վարձու բանւորների օգնութեան, ի հարկէ միևնոյն ժամանակ աչքի առաջ ունենալով հողի տեսակը և լաւութիւնը: Սօցիալիստ-չեղափոխականների կուսակցութիւնը կարծում է, որ հողի սօցիալիզացիան կարելի է իրականացնել անմիջապէս, առանց չետած գելու, չնայելով կառավարութեան և կալաւածատէր-սեփականատէրերի ընդդիմադրութեան:

Պրօզրեսիւ եկամտային հարկ:

Ներկայումս կազման իւրաքանչիւր տարի ժողովրդից մօտ 2 միլիարդ ռուբլի հարկ է հաւաքում: Միլիարդ—նշանակում է հազար միլիոն: Միլիոնը—հազար հազար: Երկու միլիարդ—դա ոսկու մի ամբողջ դեղ է: Ո՞վ է այդ փողերը տալի: Նասկանալի է, որ միևնոյն աշխատաւոր ժողովուրդը—գիւղացիները և բանւորները: Հարկատուութեան մէջ մտնելիք փոփոխութեան նպատակը պէտք է լինի նրա ամբողջ ծանրութիւնը աղքատներից դեղ հարուստների վրայ: Ով հարուստ է, թող նա աւելի հարկ վճարէ: Ով շատ եկա-

մուտ է ստանում, նրանից էլ շատ պէտք է ստացւի: Կնշանակէ, հարկաւոր է նախ և առաջ, ներկայ գոյութիւն ունեցող հարկերի փոխարէն մտնել միայն մէկ եկամտային հարկ, այսինքն այնպիսի մի հարկ, որը հաւաքւում է ամեն մէկ մարդուց նրա եկամտի համաձայն: Առանձնապէս մեծ հարկի պէտք է ենթարկել այն եկամուտները, որոնք ստացւում են առանց որևէ աշխատանքի, օրինակ ժառանգութիւնը: Չէ որ ժառանգութիւնը մէկից անցնում է միւսին առանց որևէ աշխատանքի, վերջինիս կողմից: Եթէ անկարելի լինէր ահագին փողերը և կալաւածները ժառանգել ուրիշներին, այն ժամանակ ամբողջ աշխարհում բոլորովին գոյութիւն չէին ունենայ անհամար հարստութիւն ունեցող մարդիկ: Չէ որ ոչ մի մարդ իր ամբողջ կեանքում չի կարող դիզել առանձնապէս մեծ կարողութիւն, այն էլ արդար աշխատանքով: Մեծամեծ ժառանգութիւնները փչացնում են հէնց իրենց ժառանգներին՝ դարձնելով նրանց ձրիակերներ: Հարկաւոր է միանգամայն վերացնել ժառանգելու իրաւունքը, որպէսզի բոլոր մարդիկ ապրեն միայն իրենց սեփական, և ոչ թէ ուրիշի աշխատանքով: Թէև իրեն ժողովրդի կամքն է, ինչպիսի օրէնք նա կիրատարակէ ժառանգութեան վերաբերեալ: Այնուամենայնիւ ժառանգութիւնը և նամանաւանդ խոշոր ժառանգութիւնը, հարկաւոր է չափաւորել: Հարկաւոր է այնպէս անել, որ ժառանգութեամբ մէկ մասնաւոր ձեռքից անցնի միւս մասնաւոր ձեռքը միայն այնքան կարողութիւն, որը կարողանայ որդոց և մի քանի մօտ ազգականներին ազատել չքաւորութիւնից: Միայն այդ նպատակով: Իրանէց դուրս աւելացածը պէտք է զնայ յօղուտ ամբողջ աշխատաւոր ժողովրդի: Երբ այդպիսով կսանձահարւի ժառանգութեան իրաւունքը, այն ժամանակ բոլոր անչափ հարուստները կչքանան երկրիս երեսից, իսկ աշխատաւոր ժողովրդի

ձեռքը կանցնեն տնային հողեր և կապիտալներ: Այդ ժա-  
ռանդութիւններից ստացւած եկամուտներով աշխատաւոր  
ժողովուրդը, շատ շուտով, իր ներկայացուցիչների միջոցով  
կձեռնարկի շատ ու շատ օգտակար ու անհրաժեշտ հասարա-  
կական ձեռնարկութիւնների: Աշխատաւոր ժողովուրդը հրա-  
շալի կերպով կարող է գործադրել ամեն մի հարստութիւն,  
միայն թէ այդ հարստութիւնները լինեն նրա ձեռքում և  
պետական իշխանութիւնը դանւի ժողովրդի առաջ պատաս-  
խանատու ներկայացուցիչների ձեռքում: Կնշանակէ ժառան-  
գութեան հարկը պէտք է մտցնել այժմ իսկ:

Բայց դրանով չի կարելի բաւականանալ: Աշխատաւոր  
ժողովրդին անհրաժեշտ է նաև առհասարակ հարստութեան  
հարկ: Իսկ ուրիշ խօսքով կոչուած է պրօգրէսիւ հարկ: Ահա  
թէ ինչ է նշանակուած պրօգրէսիւ հարկ. ենթադրենք թէ ես  
ստանում եմ հազար ըուբլի եկամուտ, դու՝ երկու հազար  
ըուբլի, իսկ երրորդը՝ երեք հազար ըուբլի: Ընդունենք թէ  
ես տալիս եմ տարեկան 20 ըուբլի հարկ: Իսկ ինձանից եր-  
կու անգամ աւելի հարուստ ես, բայց պէտք է վճարեմ ոչ  
թէ երկու անգամ աւելի պրօգրէսիւ հարկ, այսինքն 40 ըուբ-  
լի, այլ օրինակ 60 \*): Իսկ երրորդը պէտք է վճարի ոչ թէ  
երեք անգամ աւելի, այսինքն 60 ըուբլի, այլ օրինակ 180:  
Իսկ ով հազար ըուբլուց պակաս եկամուտ ունի, նրանից ոչ  
մի կոպէկ հարկ չպէտք է վերցնել:

Կնշանակէ պրօգրէսիւ հարկ կոչուած է մի այնպիսի  
հարկ, որը վերցնուած է եկամտից և այն էլ միայն հարուստ-  
ներից և մեծ եկամտներից: Որքան աւելի հարուստ է մարդ,  
այնքան աւելի մեծ մաս պէտք է հանի իր եկամտներից հա-

\*) 2է՞ որ քեզ համար 60 ըուբլի վճարելը նոյնքան հեշտ է,  
որքան ինձ համար 20-ը:

սարակական և պետական կարիքների համար: Բայց կան  
մարդիկ, որոնց եկամուտը հաշիւ հազ բաւականացնում է  
նրանց կարիքներին. այդպիսիները միանգամայն պէտք է ա-  
զատ լինեն հարկից: Իսկ այժմ մեզ մօտ հէնց հակառակն է  
անուած. ամեն տեսակ հարկեր վճարում են ժողովրդի հէնց  
աղքատ մասերը: Պրօգրէսիւ հարկի շնորհիւ, նրա ամբողջ  
ժանրութիւնը, աղքատների փոխարէն, կընկնի հարուստների  
վրայ: Ամեն տեսակ հարկերի փոխարէն պէտք է մտցնել  
միայն այգպիսի հարկ:

Անուղղակի հարկերի վերացումը:

Ժողովուրդը ամենից շատ տանջուած է անուղղակի  
հարկերից: Անուղղակի հարկ կոչուած է ապրանքների, օրի-  
նակ թէյի, շաքարի, օղու, լուծկու և այլ հարկ: Կազնան  
այդ հարկը դնում է գործարանատէրերի և զաւօւղչիկների  
վրայ. վերջինները, մի բան էլ վրան աւելացնելով, դնում են  
վաճառականների վրայ, իսկ վաճառականները ստանում են  
գնողներից, այսինքն ժողովրդից: Պարզ է որ այդ անուղղակի  
հարկերի շնորհիւ ապրանքների գինը աւելի թանգանում է:  
Օրինակ սպիրտի վեդրօն արժէ մօտ մէկ ըուբլի. մի վեդրօ  
սպիրտից դուրս է դալի երկու վեդրօ օղի. իսկ օղու վեդրօն  
ժախուած է մօտ 10 ըուբլիով: Կնշանակէ ամեն մի վեդրօ  
օղուց կազնան 9 ըուբլի մաքուր եկամուտ է ստանում: Ահա  
թէ ինչքան փոյ է վճարում ժողովուրդը կազնային օղու համար:  
Պակաս հարկ չի վճարում ժողովուրդը և ուրիշ ապրանք-  
ների համար, ի հարկէ, որոնք հարկի են ենթարկւած: Իսկ  
ինչօ՞ւ է վճարում: Միայն նրա համար, որ չի կարող աւանց  
այդ ապրանքների ապրել: Այդ հարկը վճարում են թէ այդ

քատները և թէ հարուստները: Հարուստն էլ աղքատն էլ միևնույն չափով են վճարում: Բայց չէ որ աղքատի համար նրա աշխատած մի կոպէկը նույնն է, թէ հարուստի մէկ բութը: Կնշանակէ անուղղակի հարկերը կազնաչի, աշխատաւոր ժողովրդի դէմ դործ դնուող, ամենամեծ անարդարութիւնն է: Այդ պատճառով բոլոր անուղղակի հարկերը հարկաւոր է անմիջապէս վերացնել և փոխարինել եկամտային պրոգրէսիւ հարկով և ուրիշ աւելի արդարացի վճառներով: Այն ժամանակ ամեն ինչ արժան կլինի՝ թէյն էլ, շաքարն էլ, նաւթն էլ, լուծկին էլ, ծխախոտն էլ:

### Մաքսերի վերացումն:

Միևնույն ժամանակ պէտք է վերացնել և արտասահմանից ներմուծուող, աշխատաւոր ժողովրդի համար օգտաւէտ ապրանքներից վերցնուող բարձր մաքսերը: Այդ մաքսը կառավարութիւնը վերցնում է ներմուծուող ապրանքներից սահմանի վրայ: Զանազան ապրանքներից վերցնում է զանազան քանակութեամբ մաքս: Մի քանի ապրանքներ այնքան թանկ են, որ միայն հարուստները, որոնք շուշկ կեանք են վարում, նրանք միայն կարող են առնել: Պարզ բան է, որ միանգամայն արդարացի է մաքսի ենթարկել ամեն մի շուսայութեան առարկայ, որովհետև վերջ ի վերջոյ մաքսը պէտք է ստիպուած լինեն վճարել միայն հարուստները: Բայց միանգամայն այլ բան է մաքսի ենթարկել այնպիսի ապրանքներ, որոնց գործածողն ու առնողը ամբողջ աշխատաւոր ժողովուրդն է: Նրանք միայն վնաս են բերում աշխատաւոր ժողովրդին: Եթէ այդ այդպէս է, հապա ինչո՞ւ է կազնան այդ անում: Նախ և առաջ ուստական գործարանատէրերին և զաւուղչիկներին

օգնելու համար: Մաքսի շնորհիւ ներմուծուող ապրանքների զինը բարձրանում է, ուստական գործարանատէրերը և զաւուղչիկները նույնպէս պատրաստում են այդ ապրանքներից: Կնշանակէ մաքսի շնորհիւ նրանք էլ կարող են բարձրացնել իրենց ապրանքների զինը և այդպիսով օգտուել ժողովրդական կարիքից: Կնշանակէ կառավարութիւնը մտցնելով այդպիսի մաքսեր, վնասում է աշխատաւոր ժողովրդին և հովանաւորում է ժողովրդական շահագործողներին: Մաքսերի շնորհիւ Ռուսաստանում շատ թանկ արժեն երկաթեղէնը, մահուղեղէնը և ուրիշ գործւածքներ: Կարելի է ասել, որ չկայ մի ապրանք, որի զինը ներկայ կառավարութեան անարդարացի միջոցների շնորհիւ, չբարձրանար: Նա զիտմամբ է մտցնում մաքսեր, որպէսզի այդպիսով պաշտպանի ժողովրդական շահագործողներին: Այդ պատճառով բոլոր այդ մոքսերը պէտք է անմիջապէս վերացնել:

Պէտք է վերացնել նաև այն բոլոր հարկերն ու տուրքերը, որոնցից տանջւում է աշխատաւոր ժողովուրդը:

Բոլոր հարկերն ու տուրքերը պէտք է մտցնեն միայն ժողովրդական ներկայացուցիչների համաձայնութեամբ: Հասարակական, այսինքն ժողովրդից հաւաքած փողերը կարելի է ծախսել միայն ժողովրդական ներկայացուցիչների համաձայնութեամբ և հսկողութեամբ: Հասարակական ամեն մի կոպէկի համար պէտք է հաշիւ տրել աշխատաւոր ժողովրդին, որովհետև այդ կոպէկները նրա զբաղանից է դուրս եկել:

ՔՐՈՒԽ Զ.

ՏԵՂԱԿԱՆ ՎԱՐՉՈՒԹԵԱՆ ՄԷՉ ՄՏՑՆԻԵԼԻՔ ՓՈՓՈ-  
ԽՈՒԹԻՒՆՆԵՐԸ:

Ինչպէս արդէն ասացինք, բոլոր տեղական գործերը պէտք է գտնեն աշխատաւոր ժողովրդի ձեռքին: Քաղաքացին և ղեմստօյին տեղական ինքնավարութիւնները պէտք է լինեն միանգամայն անկախ և ոչ մի նահանգապետ չպէտք է խոչնդոտ հանդիսանայ: Նահանգապետները պէտք է լինեն ընտրովի: Նրանք պէտք է, ամբողջ ազգաբնակչութեան նման, պատասխանատու լինեն և ենթարկւեն ընդհանուր դատարանին: Թէ՛ ժողովրդական առողջապահութիւնը, թէ՛ ժողովրդական կրթութիւնը և թէ՛ առհասարակ բոլոր տեղական գործերը պէտք է հոգան տեղական ժողովրդից ընտրուած մարդիկ: Նարկաւոր է մտցնել ազրօնօմների ձրի օգնութիւն: Անհրաժեշտ է կազմակերպել լայն դիւղատնտեսական մանր փոխառութիւն: Բժշկական օգնութիւնը պէտք է բոլորի համար ձրի լինի: Այնպիսի գործերը, ինչպէս են ջրի մատակարարութիւնը, լուսաւորութիւնը, աննապարհների հաղորդակցութիւնը, ժողովրդական կրթութիւնը և այլն պէտք է գտնեն ոչ թէ՛ կաղեօննի, այլ հասարակական ձեռքերում:

Այն բոլոր ձեռնարկութիւնները, որոնք այժմ գտնուում են մասնաւոր ձեռքերում, պէտք է աստիճանաբար անցնեն քաղաքացին և ղեմստօյին ընտրովի վարչութիւնների ձեռքը: Որքան աւելի շատ ձեռնարկութիւններ այդպիսով անցնեն ժողովրդի ձեռքը, այնքան աւելի շուտ կիրականանայ սօցիալիզմը: Քաղաքացին և ղեմստօյին ինքնավարութիւնը պէտք է հոգայ նաև աղքատների բնակարանների մասին և կառու-

ցանի նրանց համար ընդհանուր հասարակական բնակարաններ: Քաղաքացին և ղեմստօյին հաստատութիւնները պէտք է իրաւունք ունենան իւրացնել անշարժ կայքեր, եթէ ի հարկէ, դա կպահանջի աշխատաւոր ժողովրդի շահերը: Կառավարութիւնը ամեն կերպ պէտք է աշակցի տեղական ներկայացուցչութեան զարգացման և նպաստի տնտեսական ու այլ տեղական հասարակական հաստատութիւններին, ինչպէս և տեղական միութիւններին և ընկերութիւններին, որոնց նպատակն է աշխատաւոր ժողովրդի բարօրութիւնը:

Ահա այն զլխաւոր փոփոխութիւնները, որոնք անհրաժեշտ են այժմ և իսկ մտցնել ռուսական պետական և հասարակական կեանքում և որոնց ձգտում է սօցիալիստ-չեղափոխականների կուսակցութիւնը: Դրանցից դուրս կան շատ երկրորդական փոփոխութիւններ, որոնց մասին մենք չենք խօսում: Բայց դորանից շատ ու շատ նոր փոփոխութիւններ կպահանջի ինքը կեանքը, որը անդադար առաջ է գնում և երբէք կանգ չի առնում: Բայց ինչպիսի փոփոխութիւններ էլ որ չպահանջի, ամեն մի փոփոխութեան, ամեն մի բէֆօրմի, ամեն մի օրէնքի, ամեն մի ծրագրի վրայ սօցիալիստ-չեղափոխականների կուսակցութիւնը կնայի մէկ տեսակետից. սօցիալիստ-չեղափոխականների կուսակցութիւնը նախ և առաջ աչքի առաջ կունենայ, թէ՛ այդ փոփոխութիւնները ինչ օգուտ կարող են բերել ամբողջ աշխատաւոր ժողովրդին, այսինքն դիւղացիներին և դործարանական ու այլ բանուորներին: Սօցիալիստ-չեղափոխականների կուսակցութիւնը միշտ կողմնակից կլինի և կպաշտպանի միայն պետական ու հասարակական և տնտեսական կեանքի այն փոփոխութիւնները, որոնք ուղղուած են յօգուտ ամբողջ աշխատաւոր ժողովրդի: Սօցիալիստ-չեղափոխականների զլխաւոր նպատակն է ժողո-

վրդական շահագործողների ձեռքից դուրս կորցել պետական, տնտեսական, փողային և առհասարակ ամեն մի իշխանութիւն և յանձնել աշխատաւոր ժողովրդի ձեռքը:

ԳԼՈՒԽ Է.

Ի՞նչ ՄԻՋՈՑՆԵՐՈՎ ՊԷՏՔ Է ԶԳՏԵԼ ՊԵՏԱԿԱՆ ԵՒ ՀԱՍՏԱՐԱԿԱՆ ԱՐԴԱՐԱՅԻ ԿԱՐԳԵՐԻ:

Ի՞նչ է ինտելիգենցիա:

Հասկանալի է, որ պետական մեծ փոփոխութիւնները ինքն իրեն չեն կատարուում: Մեծ գործերը մեծ ոյժեր են պահանջում: Որոնք են այն ոյժերը, որոնք պէտք է վերաշինեն ամբողջ պետական կազմը յօգուտ ամբողջ աշխատաւոր ժողովրդի: Կայ միայն մէկ մեծ, հսկայական ոյժ — ինքը աշխատաւոր ժողովուրդը: Նրան ոչ ոք չի օգնի, եթէ ինքը իրեն չօգնի: Բանն էլ հէնց նրանումն է, որ ինքը կարող է և պէտք է օգնի իրեն: Ինքը կարիքն է ստիպում ժողովրդին սկսել այդ վերաշինութիւնը: Կարիքը ստիպում է միեւնոյն նպատակի ձգտել ոչ թէ մէկին, երկուսին, այլ հազարաւորներին, հարիւր հազարաւորներին և միլիոնաւորներին: Ոմանց մղում է դէպի այդ գործը քաղցը, չափազանց աշխատանքը: Ծանր կեանքը, ոմանք էլ ձգտում են այդ միեւնոյն նպատակին նրա համար, որ նրանց խիղճը չի կարողանում տեսնել և տանել ոչ մի անարդարութիւն: Այդպիսիների թիւը քիչ է. այդպիսի մարդիկ դուրս են գալի ոչ թէ միայն աշխատաւոր ժողովրդի միջից, այլ և ուրիշ հասարակական դասա-

կարգերից, մինչև անգամ ժողովրդի հաշուով ապրողների միջից: Ի հարկէ, բոլոր շահագործողները չեն այդպէս զարմանալին հէնց նա է, որ նրանցից մի քանիսները հրաժարուում են իրենց սեփական շահից և անցնում են ժողովրդի կողմը ու ամեն կերպ ձգտում են ոչ թէ նրան, ինչ ձեռնառու է իրենց սեփական դասակարգին, այլ ինչ ձեռնառու է աշխատաւորների դասակարգին — գիւղացիներին և բանւորներին: Նրանց խիղճը ստիպում է նրանց նոյն իսկ իրենց սեփական դասակարգի դէմ դնալ:

Այդպիսի մարդիկ հասկանում են որ իրենց սեփական դասակարգի շահերը մեծագոյն անարդարութիւն է: Այդպիսի մարդկանց բոլորն էլ ճանաչում են: Օրինակ, շատ ուսանողներ, որոնք հարուստ կալուածատէրերի, գործարանատէրերի, վաճառականների և չինովնիկների որդիք են, բայց և այնպէս նրանք հրաժարուում են հանգիստ ու ապահով կեանքից և դնում են բանւոր դասակարգի մօտ պարզելու, հասկացնելու նրան, թէ ինչու նրա կեանքը այնքան դառն է երկրիս վրայ: Բոլորը գիտեն, թէ որքան ուսանողներ, ուսանողուհիներ, ուսուցիչներ և վարժուհիներ, բժիշկներ, ֆելիչներ, փաստաբաններ և ուրիշ կրթւած մարդիկ, մանաւանդ վերջին տարիներում տրւել են աշխատաւոր ժողովրդի գործին: Յայտնի է նոյնպէս, որ կառավարութիւնը դրա համար նրանց բանասրկում, աքսորում էր Սիբիր, տաժանակիր աշխատանքի բշում: Նրանք հարիւրներով մեռել են կախաղանների վրայ:

Կնշանակէ որքան մեծ էր նրանց սէրը դէպի արդարութիւնը և ճշմարտութիւնը, որ նրանք դրա համար չխնայեցին իրենց երիտասարդ կեանքը: Այդպիսի մարդիկ բոլոր ժողովրդական շահագործողներին համարում են իրենց սեփական թշնամիներ, որովհետև նրանք աշխատաւոր ժողո-

վրդի թշնամիներ են: Այգպիսի մարդկանց մասին ժողովրդական շահագործողները ժողովրդի մէջ սուտ լուրեր են տարածում, թէ զրանք խռովարարներ, ժողովրդի թշնամիներն են, և հարկաւոր է նրանց շարգել: Բայց մի՞թէ կարող են ժողովրդի թշնամի լինել այն մարդիկ, որոնք իրենց կեանքն են զոհում աշխատաւոր ժողովրդի շահերը պաշտպանելու համար և ձգտում են նոյն բանին, ինչին ձգտում է ինքք աշխատաւոր ժողովուրդը: Ել ո՞րտեղի թշնամիներ են, երբ իրենց կեանքն են զոհում արդարութեան համար: Չէ որ ժողովրդին հէնց արդարութիւնն է հարկաւոր, բայց, ի հարկէ, ոչ թէ կեղծ, զուտաւորաժ, կաղեօնի արդարութիւն: Աշխատաւոր ժողովուրդը ոչ թէ ուզում է ուրիշներին վերաւորել, այլ որ իրեն չվերաւորեն:

Ահա այգպիսի մարդիկ, որոնք իրենց կրթութեան և զարգացման շնորհիւ, ընդունակ են լսել իրենց խղճի ձայնը և հրաժարւել իրենց սեփական և իրենց դասակարգային շահերից և կանգնել աշխատաւոր ժողովրդի շահերի կողմը, կոչւում են ինտելիգենտներ: Դրանք հէնց նրանով են տարբերում բոլոր շահագործողներից, որ մինչդեռ վերջինները երբէք չեն մոռանում իրենց շահը, օգուտը, ինտելիգենտները ընդունակ են մոռանալ: Աշխատաւոր ժողովրդին անհրաժեշտ են ինտելիգենտները, որովհետեւ նրան անհրաժեշտ են կրթութեամբ, անձնազօհ և անշահասէր մարդիկ, որոնք կուեն ժողովրդական գործի համար: Ի հարկէ, զիւղացիների և բանւորների մէջ էլ կան հասկացող մարդիկ, ժողովրդական ինտելիգենտներ, միայն թէ դեռ ևս նրանց թիւը շատ քիչ է, որովհետեւ մինչև այժմ նրանք իրենց կրթութիւնը ստացել են դպրոցներից, դիմնադիւաններից և համալսարաններից դուրս: Ժողովրդական ինտելիգենտները և միւս դասակարգերից դուրս եկած ինտելիգենտները բարեկամ զաշնակից են միմեանց:

միւսնոյն ժամանակ նրանք երկուսն էլ աշխատաւոր ժողովրդի բարեկամներն են: Պարզ է, որ թէ ինտելիգենտները և թէ աշխատաւոր ժողովուրդը պէտք է գործեն համերաշխ: Ինտելիգենտները հանդիսանում են աշխատաւոր ժողովրդի ներկայացուցիչները նրա մղած կուռում: Շատ ինտելիգենտներ— միւսնոյն բանւորներն ու մինչև անգամ պրօլետարներն են: Չէ որ շատ ուսանողներ, Ֆելիզերներ, ուսուցիչներ, վարժուհիներ ոչ մի հարստութիւն չունեն: Նրանք իրենց սեփական աշխատանքով են ապրում: Կնշանակէ նրանց շահերը և վարձու բանւորների շահերը մէկ են: Կնշանակէ ինքք կեանքն է ստիպում նրանց աշխատաւոր ժողովրդի բարեկամ լինել:

Կուլի միջոցները. պրօպօզանդա:

Ինչ միջոցներով կարող է աշխատաւոր ժողովուրդը հասնել իր նպատակին: Գլխաւոր և միակ միջոցը — կուլին է, նախ և առաջ կուլ և դարձեալ կուլ: Առանց կուլի՝ ոչ մի աեղ ոչ մի բանի չեն հասել: Ժողովրդական շահագործողները առանց կատարի կուլի իրենց ձեռքից բաց չեն թողնի չազ ապատար: Այդ չազ պատառը իրենց ձեռքում աւելի ևս ամուր պահելու համար, նրանք օգնութեան են կանչում նոյն աշխատաւոր ժողովրդի միջից բոլոր խաւար և անհասկացող մարդկանց: Ո՞մանց խաբում և զրաւում են իրենց խորամանկ ճառերով, ո՞մանց կաշառում են, ո՞մանց վախեցնում են ապագայ կեանքի տանջանքներով: Կնշանակէ առաջին գործը պէտք է լինի այնպէս անել, որ երևան զան որքան կարելի է շատ արդարութեան մարտիկներ: Դրա համար հարկաւոր է ամբողջ աշխատաւոր ժողովրդի համար պարզել ներկայ պետական կարգերի ամբողջ անարդարութիւնը: Ամեն մի գիւղացի,

ամեն մի բանւոր նախ և առաջ պէտք է ճանաչի և հասկա-  
նայ ճշմարտութիւնը: Բոլոր հասկացող մարդիկ պէտք է բա-  
ցատրեն բոլոր չհասկացողներին, թէ ի՞նչն է պատճառը, որ  
աշխատաւոր ժողովրդի կեանքը այնքան ծանր է, և ի՞նչ ճա-  
նապարհներով պէտք է կուել ժողովրդական թշուառութեան  
դէմ: Ահա դա էլ հէնց կոչում է պրօպօզանդա:

Այժմ ամբողջ աշխատաւոր ժողովրդին անհրաժեշտ է  
ամենալայն սօցիալիստական պրօպօզանդա, այսինքն հաս-  
կացնել թէ ի՞նչ է սօցիալիզմը և ինչպէս հասնել սօցիալիս-  
տական կարգերին:

### Կազմակերպութիւն:

Բայց միայն պրօպօզանդան բաւական չէ: Դրանից դուրս  
անհրաժեշտ է, որ բոլոր հասկացող մարդիկ միանան մէկ  
ընդհանուր ընկերական միութեան մէջ: Այդպիսի միութիւն  
կազմել—նշանակում է կազմակերպել: Մարդկանց կազմա-  
կերպութիւնը—դա ամենամեծ ոյժն է: Տասը մարդ եթէ բա-  
ժան բաժան են գործում հարիւր անդամ աւելի թույլ են,  
քան այն ժամանակ, երբ այդ տասը մարդը գործում են  
միացած, կազմակերպւած: Եթէ ժողովրդական շահագործող-  
ները, կալւածատէրերը, գործարանատէրերը, պալատականները  
ուժեղ են, դրա դիւսաւոր պատճառն այն է, որ նրանք կազ-  
մակերպւած են: Պէտք է կազմակերպել և ամբողջ աշխա-  
տաւոր ժողովուրդը—թէ դիւղերում, թէ գործարաններում,  
թէ քաղաքներում, Պէտք է կազմակերպել այսպէս. նախ և  
առաջ պէտք է կազմել միատեսակ մտածողների խմբակներ:  
Այդ խմբակների անդամներից ամեն մէկը պէտք է աշխատի  
նորանոր մարդիկ միացնել նրանց ընդհանուր շահերով, ընդ-

հանուր նպատակով: Այդպիսով փոքրիկ խմբակները կարող  
են մեծ միութիւններ դառնալ: Այդպէս էլ անուամ է այժմ:  
Ռուսաստանում, ամենակարճ ժամանակամիջոցում, աշխատա-  
ւոր ժողովրդի մէջ առաջ եկան հազարաւոր զանազան միու-  
թիւններ: Առանձնապէս աչքի է ընկնում Գիւղացիական  
Միութիւնը, որը 1905 թւի վերջում ունէր մօտ կէս  
միլլիօն անդամ: Գոյութիւն ունեն և շատ բանւորա-  
կան միութիւններ: Բանւորական միութիւնները կազմւում  
են ըստ արհեստի: Բայց դա էլ դեռ բաւական չէ: Հարկաւոր  
է միանալ ոչ թէ միայն միութիւնների, այլ և կուսակցու-  
թիւնների մէջ: Ամեն մի կուսակցութեան մէջ մտնում են  
զանազան արհեստների, զանազան մասնագիտութեան մարդիկ:  
Ամեն մի կուսակցութիւն ունի իր ծրագիրը: Ամեն մի կու-  
սակցութեան ծրագրի մէջ ասւած է թէ ի՞նչ են պահանջում  
և ինչի՞ են ձգտում այդ կուսակցութեան մարդիկ և ի՞նչ մի-  
ջոցներով: Այն միջոցները, որով կուսակցութիւնը ձգտում է  
իր նպատակներին, կոչում է այդ կուսակցութեան տակտիկա  
կամ կուսակցական տակտիկա: Իւրաքանչիւր կուսակցութեան  
ծրագրի մէջ խօսւում է այն փոփոխութիւնների, ըէֆօրմ-  
ների մասին, որոնք անհրաժեշտ է մտցնել ներկայ պետա-  
կան կարգերի մէջ: Ըէֆօրմա նշանակում է փոփոխութիւն:  
Ըէֆօրմները կարող են լինել քաղաքական: Իս նշանակում է  
պետական իշխանութեան մէջ մտցնելիք փոփոխութիւններ:  
Ըէֆօրմները կարող են լինել և տնտեսական: Իս նշանա-  
կում է տնտեսական կեանքի մէջ մտցնելիք փոփոխութիւն-  
ներ: Օրինակ հողը գիւղացիների ձեռքը տալը, զանազան հար-  
կերի վերացումն, բանւորների ապահովագրութիւնը—դրանք  
բոլորը տնտեսական ըէֆօրմներ են: Ըէֆօրմները կարող են  
լինել և սօցիալական: Իս նշանակում է այն փոփոխու-  
թիւնները, որոնք պէտք է մտցնել ընդհանրապէս ամբողջ

հասարակական կարգերի մէջ: Ամեն մի կուսակցական ծրագրում խօսուում է թէ ո՞ր բեֆօրմները կարելի է մտցնել այժմ և իսկ և որ բեֆօրմներին պէտք է կամաց կամաց ձգտել:

**Պետական Դուրմայում իր մարդկանց անցկացնելը:**

Միևնույն ժրագիրն ընդունող բոլոր մարդիկ կաղձակերպում են կուսակցութիւններ: Բայց միայն կաղձակերպելը բաւական չէ: Ցանկալի փոփոխութիւններին հասնելու համար անհրաժեշտ է կռիւ մղել այն մարդկանց դէմ, որոնք հակառակ են այդ փոփոխութիւններին: Հասկանալի է, որ ամենից շատ պէտք է հակառակ լինեն այդ փոփոխութիւններին ժողովրդական շահագործողները: Այն երկրներում, որտեղ պետական իշխանութիւնը գտնուում է ժողովրդի ձեռքում, կռիւ ամենալաւ միջոցը կաշանում է հետեւեալում. աշխատում են որքան կարելի է շատ թւով Պետական Դուրմայի անդամ անցկացնել իրենց մարդկանցից: Այնտեղ պէտք է աշխատեն նրանք ընդունել տալ այն բոլոր բեֆօրմները, որոնք զրւած են նրանց կուսակցութեան ծրագրում:

**Գործադուլ, բոյկոտ և ուրիշ միջոցներ:**

Սակայն կռիւ միայն այդ միջոցը զեռ բաւական չէ. աշխատաւոր ժողովուրդը պէտք է ցոյց տալ իր ոյժը և հասնի իր առաջադրած նպատակներին գործադուլների միջոցով, այսինքն միաժամանակ հրաժարելով աշխատանքից: 1905 թ. հոկտեմբերին ռուսական աշխատաւոր ժողովրդի կամքը արտայայտուեց ընդհանուր գործադուլում, որը մի-

անդամից ընդգրկեց մի քանի միլլիոն զանազան դասակարգերի և զբաղմունքների մարդկանց: Այդպիսի հսկայական գործադուլ զեռ տեսնուած չէր ոչ մի երկրում:

Կայ կռիւ և մի ուրիշ միջոց, որը կոչոււմ է բոյկոտ: Բոյկոտ, դա, պարզ ասած, խաղաղ, բայց միահամուռ հասարակական կռիւ է ժողովրդական շահագործողների դէմ: Այսպէս օրինակ գիւղացիները բոյկոտ են չայտարարում կալւածատէրերին՝ ոչ ոք չի գնում նրանց մօտ աշխատելու, նրանց հողերը ոչ ոք չի վերցնում կապալով, ոչ մի գործ չեն ուղում նրանց հետ ունենալ. իսկ կալւածատէրերը առանց գիւղացիական ձեռքերի նոյնն են, թէ առանց սեփական ձեռքերի: Ճիշտ այդպէս այժմ բոյկոտ են չայտարարում այն զինւորներին ու սպաներին, որոնք կրակում են բանւոր ժողովրդի վրայ՝ — նրանց ոչ ոք իւր տունը չի ընդունում, ոչինչ չեն ծախում նրանց, ծանօթները ձեռք չեն տալի և այլն: Մի խօսքով բոյկոտը կարելի է հազար ու մի հանապարհով իրագործել:

Բայց կարող է և պատահել, որ կառավարութեան գլուխ կանգնած ժողովրդական շահագործողները անտարբերութեամբ վերաբերեն այդ համաժողովրդական պահանջներին էլ, մի բան որ ոստիկանութիւնը և զինւորական ոյժը նրանց ձեռքումն է: Այն ժամանակ ի՞նչ է մնում անել բանւոր ժողովրդին: Նա կամ քաղցից պէտք է մեռնի կամ պետական իշխանութեան, այսինքն ժողովրդական շահագործողների կաղձակերպուած ոյժի դէմ պէտք է հասնի իր սեփական ոյժը, իր մարտիկներին, իր պաշտպաններին, որոնք պատրաստ են ժողովրդին օգնելու համար իրենց կեանքը զոհել: Օրինակ 1906 թ. աչսպիսի մի դէպք պատահեց: Տամբովսկի նահանգում, մերկ ու քաղցած գիւղացիները սկսեցին կալւածատէրերից խլել հողը և ցորենը: Ի հարկէ, ինչպէս առհասարակ ընդունուած է, կալւածատէրերը իսկույն վաղեցին նահանգապ' տի մօտ և



օգնութիւն խնդրեցին: Նահանգապետը, ինքն էլ մի կալւածաւէր, իսկօչն զիւրացիներէ զէմ քաշեց ոստիկանութիւնը, զօրքը և ժանդարմերիան: Այդ բոլոր ոչփի զլիսաւոր նշանակեց մի վերին աստիճանի անխիղճ, զոզ և աւաղակ մէկին, Լուսինովսկի ազգանունով: Հոսեցին արտասուքի և արեան գետերը: Կողակները, զինւորները, ոստիկանութիւնը սկսեցին ձեծել և տանջել զիւրացիներին, թայանել նրաոց ունեցած չունեցածը (չէ որ զիւրացու սեփականութիւնը կառավարութեան համար «սրբազան» չէ), բռնաբարել կանանց և աղջկերանց: Ի՞նչ պէտք է անեն զիւրացիները:

Ահա այդ ժամանակ զիւրացիներին օգնութեան հասաւ սօցիալիստ-չեղափոխականների կուսակցութիւնը: Այդ կուսակցութեան անդամներից մէկը—մի երիտասարդ գեղեցիկ օրիորդ Մ. Սպիրիդոնովան համաժողովրդական դատարանին քաշեց նրան և սպանեց: «Միրոս պատուում էր կսկծից, ասաց նա դատաւորներին, այնքան ամօթ էր ինձ համար ապրել... Իսկ երբ ես տեսայ տանջանքներից և ձեծից խելազարւած զիւրացուն, տեսայ կողակներից բռնաբարւելուց չետոյ ինքնասպանութիւն գործած աղջկայ մօրը, ես ասացի՝ կսպանեմ Լուսինովսկուն և կախաղան կբարձրանամ»... Այդպիսի դատաստանի են ենթարկւել և մի շարք ժողովրդական զահիճներ—ինչպէս են՝ ներքին գործերի մինիստր Սիպեազին, Պլեէ, մեծ իշխան Սերգէյ, Բազլի նահանգապետ Նակաշիձէ, Իզդրիբի նաչալնիկ Բօզուսլաւսկի, սահմանադլիսի զօրքի սպայ Բրկով և այլն: Կուլի այդ միջոցը կոչւում է տերրօր: Հայերէն զանաւակում է սարսափ զցել: Ի հարկէ, այդ միջոցը այնքան էլ դուրալի և գեղեցիկ միջոց չէ, և սօցիալիստ-չեղափոխականները զիտակցում են այդ: Տերրօրի են զիմում միայն այն ժամանակ և այն երկրներում, որտեղ կառավարութիւնը ինքն է

սարսափեցնում ժողովրդին իր ոճրադործութիւններով: Ժողովուրդը կամայ ակամայ կառավարչական տերրօրին պատասխանում է իր սեփական տերրօրով: Հասկանալի է, որ այդ միջոցին զիմում են այն ժամանակ միայն, երբ ուրիշ էլք չի լինում: Ոչ մի տերրօր չի կարող տեղի ունենալ այն երկրներում, որտեղ ժողովրդի պահանջները և ցանկութիւնները բաւարարութիւն են ստանում խաղաղ և օրինական ճանապարհով:

Բայց տերրօրը կուլի վերջին միջոցը չէ: Տերրօրը միայն այդ կուլի սկիզբը, նախադուռն է: Նրա չեաւից զալիս է ժողովրդական ապստամբութիւնը: Յուսահատութեան հասցրած ժողովուրդը վելչ ի վերջոյ օտքի է կանգնում իր ճրնշողների դէմ: Նա չի կարող զէնքը ձեռքին շապստամբել իր շահադործողների դէմ: Պարզ է, որ դա արիւնոտ և ոչ ցանկալի միջոց է: Բայց ինչ արած: Շատ և շատ դէպքեր են եղել, երբ ժողովուրդը միահամուռ կերպով օտքի է կանգնել, իր պահանջները առաջադրել, քաղաքական և հասարակական արձատական փոփոխութիւնների ձգտել, դատարանի ենթարկել և կախաղանի դատապարտել իր թագաւորներին: Այդպիսի ժողովրդական ապստամբութիւնը կոչւում է յեղափոխութիւն: Համարեա բոլոր ժողովուրդները իրենց իրաւունքները ձեռք են բերել չեղափոխութեան միջոցով: Այդպէս է եղել Գերմանիայում, Աւստրիայում, Փրանսիայում, Իտալիայում և Ամերիկայի համարեա բոլոր պետութիւններում:


Ներկայումս հերթը հասել է Ռուսաստանին: Ամբողջ աշխատաւոր ժողովուրդը—թէ զիւրացիները և թէ բանւորները—պահանջում են հասարակական և քաղաքական արձատական և անչեռածդելի փոփոխութիւններ: Կառավարութիւնը չի ուզում զիշել: Ի՞նչ պէտք է անի աշխատաւոր ժողովուրդը: Նա կամ պէտք է լռի, կամ կառավարութեան


դէկր իր ձեռքն առնի: Իսկ միթէ կարելի է այլ ևս լռութեամբ տանել այն բոլորը, ինչ որ մինչև այժմ տարել է. դա անհնարին է: Կնշանակէ մնում է միայն որ ժողովուրդը իր ձեռքն առնի կառավարութեան ղէկը: Իսկ զրան ի՞նչ պէտք հասնել: Միայն մէկ նանապարհ կայ— ձգտել սահմանադիր ժողովի հրաւիրելուն, ընտրել ընդհանուր, հաւասար, ուղղակի և զաղանի քւէարկութեամբ իր հաւատարիմ ծարսկանց, որոնք և պէտք է վերաշինեն ամբողջ պետական և հասարակական կազմը: Ժողովրդի կամքը պէտք է ամենից, մէնչև անգամ թաղաւորի կամքից էլ, բարձր լինի: Սահմանադիր ժողովրդ— ժողովրդական կամքի ծայնն է: Միայն այդպիսի սահմանադիր ժողովրդ կարող է և պէտք է ճշակի պետութեան հիմնական օրէնքները, որոնց և պէտք է հպատակւեն բոլորը: Ոչ մի Պետական Դուժա չի կարող իր վրայ վերցնել այդ գործը:


Սահմանադիր ժողովրդ— դա ներկայ կարգերի վերաշինութեան առաջին և անյետաձգելի քայլն է, ազատ ժողովրդական կառավարութիւն հաստատելու և աշխատաւոր ժողովրդի շահերը պաշտպանելու միակ ուղիղ նանապարհն է:

Միայն յանուն ապագայ արդարութեան և ճշմարտութեան, յանուն սօցիալիզմի թաղաւորութեան մղած կռուում է ձեռք բերում աշխատաւոր ժողովուրդը իր իրաւունքը:









«« Ազգային գրադարան



NL0337619

«« Ազգային գրադարան



NL0337618

«« Ազգային գրադարան



NL0337617

«« Ազգային գրադարան



NL0337621

«« Ազգային գրադարան



NL0337616

«« Ազգային գրադարան



NL0337620

«« Ազգային գրադարան



NL0337615

29768-1cy  
29774-2